

Repelesin

Jon naböŋ niŋöm kali kliñ rika

1 ¹Yad Jon, God wög gi ñeb bi nipe ap midpin. Manö kali kliñ rikabin anib i, nöd waiö niŋagla. Nibi bi God nip wög gi ñibal gau, nan nihön nihön söl ginim u niŋlaŋ, a göm, God nipe Jisas Krai nipe hagö, nipe pen ejol nipe u yuö apöm gö, yad naböŋ niŋnö.^a ²Naböŋ niŋnö anibu, God manö nipe haga u abe, Jisas Krai manö nipe haga u abe niŋnö u, köp anibi kali kliñ rikabin. ³Söl midöp, nan nihön nihön naböŋ niŋnö u magöŋhalö il göm gi dam arnab. Anibu, nibi bi manö kali kliñ rikabin anib i kale ke amgö li niŋnaböl gau abe, nibi bi rimnap amgö li niŋ haglö apdi niŋnaböl gau abe, God Manö anibi niŋ udöm hain gaiöl u, God gö, miñ miñ ginaböl.^b

Jon nibi bi cöc unbö mudun jiŋ mideila gau kalip manö hag ña

⁴Yad Jon kalöp nibi bi Esia Propins ram minöŋ pro ke ke unbö mudun jiŋ Krai cöc nipe midpim gau, köp i kali kliñ rikabin.

God nipe miñi midöp, nipe hadame dagol gau midmidöp, nipe hainö pör pör nöp mideinab u kalöp mög niŋöm, ud aij göm, abad midö, kale agamij mid aij gi midaimim. God anibu abe, ana mudun jiŋ sea kiŋ asikep nipe adö au midpal gau abe, kalöp mög niŋöm, ud aij göm, abad midö, kale agamij mid aij gi midaimim.^c ⁵Jisas Krai, manö aij u damöm, God haga rö nöp göm umöm, il gi uraköm, ram minöŋ gau kiŋ midpal gau kalip magöŋhalö abad midöp u, nipe u rö nöp kalöp mög niŋöm, ud aij göm, abad midö, kale agamij mid aij gi midaimim.

Nipe hanip midmagö löm, hagape nipe lugö umöm,
nan si nan naij gipun gac u lik gi yuöp.^d

⁶Hon Kiŋ kub Jisas Krai ram nipe midun,
Nap God nip sabe gep nibi bi nipe midpun.

^a 1:1 Rep 22:6 ^b 1:3 Rep 22:7,10 ^c 1:4 Eks 3:14-15; Rep 3:1; 4:5 ^d 1:5 Kol 1:18;
Sam 89:27

Anib u, Jisas Kraiss, Bi mailö aij halö u, Bi klö yabił u,
hib nipe u pör nöp pör nöp hagno adö arnim!
Anib unbö rö aij.^e

⁷Pen niñim! Nipe kumi halö auö,
nibi bi ram minöñ gau nibö gau nibö magöñhalö nip waiö
niñnaböl.

Bi nip walał ud binij gila gau abe
magöñhalö nip waiö niñnaböl.

Nip niñöm, nibi bi ram minöñ gau nibö gau nibö magöñhalö,
nihön ginig anig gipun, a göm, mög gö miłöñ kub ginaböl.

Niñö, anig ginab me u!

Anib unbö rö aij.^f

⁸God Bi Kub klö ke halö nan gau magöñhalö ginim rö nöp midöp u,
nipe miñi midöp, hadame dagol gau midmidöp, hainö pör nöp pör nöp
mideinab. Nipe hagöp, “Yad nöp ginö, nan gau magöñhalö il göm midöp.
Yad nöp ginö, nan gau magöñhalö ur ginig ginab,” a göp.^g

Jon naböñ niñöm Jisas nip niña

⁹Yad namam Jon, Kiñ hon Jisas ram nipe midun, nip wög gi ñino,
nibi bi gau hanip gi naji gilö, gasi iru niñagun, gasi halö midun, nip arö
gagun, klö yabił gun gino arab. Yad God Manö u hag ñem, Jisas apöm
manö aij hanip hag waiö la manö niñö anibu hag ñinö, yip nagi löm, dam
ñig solwara rib gus ga airan Padmos au lila.

¹⁰Airan Padmos gau midnö, Bi Kub ñin nipe ap, God Ana u yip ba
lö niñöl gi, jöl yad gau adö manö kub ap, ahiñ magö rö hagöm haga,

¹¹“Ne nan nihön nihön niñnabön gau, köp kali kliš rikhmön, nibi bi daun
kub ke ke unbö mudun jij Kraiss cöc nipe midpal gau, kalip köp anibu
yuö arnim. Epesas ap, Smöna ap, Pegamam ap, Daiadaira ap, Sadis ap,
Piladelpia ap, Leodisia ap yuö arnim,” a ga.

¹²Manö anig hagö niñöl gi, yad bi manö hagab anibu niñin, a gem,
ado gem niñnö, lam kabö gol udöm gila unbö mudun jij u mideia. ¹³Pen
lam añ anib au, yad niñnö, Bi ap Ñi nipe rö bi ap mideia. Nipe waij miłö
kub yabił ap yimö ma goł nipe pał u ga; kabö gol udöm gila dip nagi kub
ap ud pabił añ au gilañ pig la.^h ¹⁴Nabic cög umagö nipe u, kaj sipsip uñ
rud midöp rö, aka kumi rud midöp rö, la. Amgö nipe u, mab miłan rö
mideia.ⁱ ¹⁵Ma kid nipe u, nan kapa klö “bras” a gipal u laulö, in kiłid
udöp rö u ga. Pen manö nipe u, ñig hij kub big gu hagöp rö u haga.

¹⁶Ñimagö yijig kid nipe u, gapi unbö mudun jij u udöl mideia. Pen ru

^e 1:6 1Pi 2:9; Rep 5:10; 20:6 ^f 1:7 Dan 7:13; Sek 12:10; Mad 24:30; Jon 19:34-37; 1De 4:17

^g 1:8 Rep 21:6; 22:13 ^h 1:13 Dan 7:13; 10:5 ⁱ 1:14 Esi 43:2; Dan 7:9; 10:6; Rep 2:18;
19:12; 14:2

milö kid goł goł ga ap meg migan adö laŋ ajmaŋ raua. Mulu majmaŋ nipe u, sidö aŋ aulik apöm, mailö kid yabił hagöm göp rö u ga.^j

¹⁷Yad níp niŋem, ma ił nipe au ap lug maben yimem, nibi bi umbal kiła göp u rö midainö. Anig ginö, ñin yijig böŋ nipe u yip ud niŋöm haga, “Piñiŋ gagmön! Yad ke ginö, nan gau magöŋhalö ił göm midöp. Yad ke ginö, nan gau magöŋhalö ur ginig ginab.^k ¹⁸Yad me Bi Pör Kamiŋ Midöp u. Nöd umnö u pen nöŋ! Miñi kamiŋ midem, pör nöp pör nöp kamiŋ mideinabin. Yad ‘Umeb Magö’ u abad midpin. Nibi bi umöm, am ‘Wip Ana Ram’ midpal gau, yad ki rib u udöl midem, ‘Wip Ana Ram’ ka u abe, nibi bi ‘Wip Ana Ram’ au midpal abe abad midpin. Yad ajöŋ hiikeinabin kale u rö nöp kamiŋ arnaböl.

¹⁹“Anib u, nan nihön niŋban u köp kali kliš rikmön. Miñi gab rö niŋmön, hainö ginab rö niŋmön, magöŋhalö köp yaŋ kali kliš rikmön. ²⁰Pen nan niŋabön gau, manö ił u anig göl midöp: łam gol udöm gila unbö mudun jiŋ niŋabön gau, nibi bi ram minöŋ ke ke unbö mudun jiŋ Krais cöc nipe midpal gau niŋabön. Pen gapi unbö mudun jiŋ ñimagö yijig böŋ yad adö u niŋabön gau, ejol cöc unbö mudun jiŋ abad midpal gau niŋabön,” a ga.

Krais nibi bi nipe Epesas midmidal manö hag ñeb

2 ¹“Pen daun kub Epesas Krais nibi bi nipe midpal gau, ejol kalip abad midöp u níp manö kali kliš rikmön hagmön:

‘Bi gapi unbö mudun jiŋ ñimagö yijig böŋ lau nipe adö u udöl gi, łam gol udöm gila unbö mudun jiŋ aŋ au ajöp u, Epesas nibi bi abad midpan gau kalip manö anibi hag yuöp.^l

²Nipe hagöp,

“Kal wög klö gimim gi dammim biłam midmim, ji niŋagpim u, niŋbin. Nibi bi gi naij gipal gau kalip niŋbe, kalöp aij gagöp. Bi Jisas manö ud arep midpun, a göm, manö piral hagpal gau kalip niŋ aij gimim, asi masi gipim.^m ³Yip niŋ udmim manö yad hagpe kalöp marö ñilö, ji niŋagmim, yad aip cig göl gi nöp midpim u, yip aij göp.

⁴“Pen yad manö ap midöp. Yad aip nöd cig gimim midmagö yabił li midaibe nagi adö u dam yubim gai? ⁵Nöd yip midmagö li midmim gi aij gipe nagi aij anibu, nihön ginig arö gipun a gimim kuöyaŋ udmim, nöd mid aij gimidim rö midaimim. Wasö u, yad apem łam kale u piłi gi udnabin.ⁿ

⁶“Pen adö ap gipim u, yip aij göp. Nibi bi kale bi Nikolas manö piral nipe u udöm, nagi naij adö u gilö yip aij gagöp rö, kalöp u rö nöp aij gagöp.

^j 1:16 Hib 4:12; Rep 2:12; 19:15 ^k 1:17-18 Ais 44:6; 48:12; Rep 2:8; 22:13 ^l 2:1 Rep 1:16

^m 2:2 1Jn 4:1 ⁿ 2:5 Rep 3:3

⁷“Kale nibi bi gasi rimid midainim gau, God Ana nipe Krai nibi bi nipe midpal ram minöŋ ke ke gau kalip manö hagöp u niŋ aij gimim.

Nibi bi marö auö, gasi iru niŋagöm, yip cig göl gi nöp mideinaböl gau, ñin hain aunab u kalip hagnö, mab magö ur pör midep God wög naböŋ aij nipe adö laŋ ranab u udöm ñiŋnaböl,” a göp,’ a gimön.^o

Krais nibi bi nipe Smöna midmidal manö hag ñeb

⁸“Pen daun kub Smöna Krai nibi bi nipe midpal gau, ejol kalip abad midöp u nip manö kali kñiŋ rikmön hagnön:

‘Bi nipe gö, nan gau magöŋhalö il göm midöp u; Bi nipe gö, nan gau magöŋhalö ur ginig ginab u; Bi umöm kauyaŋ uraka u, Smöna nibi bi abad midpan gau kalip manö anibi hag yuöp.

⁹Nipe hagöp,

“Yad niŋbin, nibi bi rimnap, hon God nibi bi yijig göl midpun a gipal u pen Seden sabe gep ram nipe midöm, kalöp manö udöl gi midpal. Marö kalöp nihön nihön midöp gau, yad u rö nöp niŋbin. Kale nibi bi mög gep rö midpim u pen yad niŋbin God amgö ilö adö nipe u kale nibi bi gep yabiŋ midpim.^p ¹⁰Kalöp marö ginig gab u, gasi kub niŋagmim. Niŋim! Söl midöp, Krai nip cig aij gipal aka ap lug paknaböl, a göm, Seden gö, kalöp rimnap ud nagi linaböl. Kalöp ñin unbö siduŋ laŋ u rö gi naij göl gi mideinaböl. Pen kalöp nihön nihön göm, böŋ nöp al pak linig geinaböl u, gasi kub anibu niŋagmim. Yip cig göl gi nöp midpe al pak leinaböl u, kalöp usajiŋ bad pör kamiŋ midep u ñinabin.^q

¹¹Kale nibi bi gasi rimid midainim gau, God Ana nipe Krai nibi bi nipe midpal ram minöŋ ke ke gau kalip manö hagöp u niŋ aij gimim.

Seden kalöp neb neb ginab u pen nibi bi yip cig göl gi nöp mideinaböl gau, ilön kub udöm umla rö u kuöyaŋ umagnaböl,” a göp,’ a gimön.^r

Krais nibi bi nipe Pegamam midmidal manö hag ñeb

¹²“Pen daun kub Pegamam Krai nibi bi nipe midpal gau, ejol kalip abad midöp u nip manö kali kñiŋ rikmön hagnön:

‘Bi ru milö kid nipe goŋ goŋ kid midöp u, Pegamam nibi bi abad midpan gau kalip manö anibi hag yuöp.

¹³Nipe hagöp,

“Yad niŋbin, kale biŋam yabiŋ midpim. Nibi bi ram minöŋ kale midpim aŋ au, Seden kiŋ rö abad midöp. Pen kale manö yad niŋ ud aij gimim, yip cig aij göl gi midpim. Ram minöŋ Seden abad midöp

^o 2:7 Jen 2:9; Rep 22:2,19 ^p 2:9 2Ko 11:14-15; Rep 3:9 ^q 2:10 2Di 4:8; Jem 1:12

^r 2:11 Rep 20:14; 21:8

anibu, namam Adipas manö aij yad u nibi bi gau kalip hag ñi midö, nip al pak lila u pen yip arö gagpe.

¹⁴Pen manö rimnap midöp. Nibi bi kale rimnap, Belam manö hag ñimidöp rö hag ñibal. Bi Belam anibu, Belak nip rimid ukö me, Belak nipe am Isrel nibi bi gau kalip ñip gi ud arö, kale yip arö göm, nan ñiñeb nan yihariñ god piral gau nip pak sabe gi ñeila u ñiñla. Belak Isrel nibi bi kalip hagö, kale nibi si bi si gila.^s ¹⁵Isrel nibi bi hadame gau gila rö, kale rimnap bi Nikolas manö piral nipe u udmim, nagi naj adö nipe u hain gimim gipe aröp. ¹⁶Anib u, nan si nan naj gipim u, nihön ginig anig gipun a gimim, arö gimim. Pen anig gagnabim u, yad söl yijid apem, ru milö kid meg migan yad yan nibö amjaköp u udem, nibi bi anig gipal gau aip pen pen ginabin.^t

¹⁷Kale nibi bi gasi rimid midainim gau, God Ana nipe Krais nibi bi nipe midpal ram minöñ ke ke gau kalip manö hagöp u niñ aij gimim.

Seden kalöp neb neb ginab u pen nibi bi yip cig göl gi nöp mideinaböl gau, yad nan ñiñeb mana pi gila u rimnap ñinö ñiñnaböl. Pen kalip kabö rud ke ke ñinabin. Kabö ñinabin adö anib gau, hib gisön nibö u rik ke ke añi añi ñeinabin, nibi bi udnaböl gau nöp niñnaböl," a göp," a gimön."

Krais nibi bi nipe Daiadaira midmidal manö hag ñeb

¹⁸"Pen daun kub Daiadaira Krais nibi bi nipe midpal gau, ejol kalip abad midöp u nip manö kali kñiñ rikmön haggmön:

'God Ñi nipe, amgö mab miñan rö midö niñöl gi, ma kid nipe u, kapa bras a gipal u laulö in kiñid udöp rö midöp u, Daiadaira nibi bi abad midpan gau kalip manö anibi hag yuöp."

¹⁹Nipe hagöp,

"Kale gipim nagi adö u, yad niñbin. Yip abe, nibi bi gau kalip abe midmagö limim, klö gimim yip wög göl gi nöp midpim u, yad niñbin. Añ mam gau pen pen ud aij gimim, gi ñimim, marö auö biñam midmim gasi iru niñagpim u, yad niñbin. Gipim anibu, nöd pro pro gimidim u pen miñi rapin gipim u, yad niñbin.

²⁰Pen manö ap midöp. Nibi Jesebel u hag yuagpim. Manö piral hagöm, yad nibi God manö hagep midpin a göp. Nibi bi yip niñ udpal gau kalip manö piral hag ñöm, ñip gi ud arö, kale yip arö göm, nibi si bi si gipal. Nipe kalip hagö, nan ñiñeb nan yihariñ god piral gau nip pak sabe gi ñimidäl u ñiñbal."^w ²¹Nipe nagi naj adö anibu arö göm mid aij ginim aka gem, niñ mid wasö niñem arö gipin.

^s 2:14 Nab 22:1-25:2; 31:16; 2Pi 2:15 ^t 2:16 Rep 3:11 ^u 2:17 Eks 16:4,14-15,33-34; Jon 6:48-50; Ais 62:2 ^v 2:18 Rep 1:14-15 ^w 2:20 1Ki 16:31; 2Ki 9:22

²² Anig göp rö yad nip abañ adö au yunö, nip miña kub gö, ilön kub yabił udnab. Nibi bi nipe aip nibi si bi si gipal anib gau, nan si nan naij gipun u nihön ginig anig gipun a göm arö gagnaböl u, kalip u rö nöp ginö, miña kub gö, ilön kub yabił udnaböl. ²³ Nibi bi nip hain gipal gau kalip böñ nöp al pak leinabin me, nibi bi yad ram minöñ ke ke cöc ke ke midpal gau, yip niñ aij göm niñnaböl, yad nibi bi gasi rimid añ kale yañ niñ aij gem, magöñhalö gipim rö niñem, kalöp añi añi pen anibu rö ñinabin.^x ²⁴ Pen kale Daiadaira nibi bi rimnap, nibi anibu manö naij hag ñöb manö u udagmim, Seden manö naij yuö a gipal manö u udagpim rö, manö marö kalöp rimnap hagagnabin. ²⁵ Pen yip niñ udmim cig aij gipim nagi u ud sisi göl gi midpe midpe, hainö yad ninam!^y

²⁶ Nibi bi yip cig aij göl gi nöp mid damöm, miñör auö yip arö gagnaböl gau, yad kalip hagnö, nibi bi ram minöñ ke ke gau kalip abad mideinaböl.^z ²⁷ Nihön ginig: Bapi manö ap yip hagöm haga, ‘Yad hagnö, ain ilön ap udöm, rin cög gau pa jö ma jö gipal rö, nibi bi ram minöñ ke ke gau klö naij yabił göm kalip abad mideinab,’ a ga.

²⁸ Pen nibi bi yip niñ udöm cig aij göm nagi u ud sisi göl gi mideinaböl gau, kalip gapi paglin aij ram minöñ jin parikö niñöl gi niñbal rö u ñinabin.^a

²⁹ Kale nibi bi gasi rimid midainim gau, God Ana nipe Krais nibi bi nipe midpal ram minöñ ke ke gau kalip manö hagöp u niñ aij gimim,” a göp,’ a gimön,” a ga.

Krais nibi bi nipe Sadis midmidal manö hag ñeb

3 ¹ “Pen daun kub Sadis Krais nibi bi nipe midpal gau, ejol kalip abad midöp u nip manö kali kliš rikmön hagnöm:

‘Bi God Ana ramö pak unbö mudun jin löp u abe, gapi unbö mudun jin u abe ud midöp u, Sadis nibi bi abad midpan gau kalip manö anibi hag yuöp.

Nipe hagöp,

“Nagi kale nihön nihön gipim u hadö niñbin. Nibi bi gau niñlö, kamiñ midmim yip hain gipim rö löp u pen böñ nöp ummim yip hain gagpim.^b ² God yad manö hagöp rö gi dammim, añ au arö gipe u, God nip aij gagöp. Anibu, amgö kale ñañi midöp u rö, urakmim, kamiñ magö kale hir ginig gab u niñ aij gipe, klö ginim. ³ Anib u, Krais manö aij u hag ñeila niñbim u, niñ ud pidöñ gimim, nan si

^x 2:23 Sam 7:9; Jer 17:10; Rep 20:12-13 ^y 2:25 Rep 3:11 ^z 2:26 Sam 2:8-9

^a 2:28 Rep 22:16 ^b 3:1 Rep 1:4,16

nan naji gipim u, nihön ginig anig gipun a gimim, arö gimim, Krai manö aij u hagöp rö gimim. Pen uhön hau hanmim urakagnabim u, yad bi nan si udep gau niñ midlö auagpal rö u aunö, niñmim pa gihi ginabim.^c

⁴Pen Sadis nibi bi rimnap ne gau waij kale gipe pri gagöp; manö aij yad niñ udöm, hagöp rö nöp göl gi midpal rö, kale waij rud löm, yad aip ajeinabun.^d ⁵Nibi bi marö auö, klö göm, yip niñ ud pidöñ göm, cig göl gi nöp midlö arnab gau, yad kalip u rö nöp waij rud aij anibu li ñinabin. Pen hib kale pör midep buk yañ kali kliñ rik linö midöp u, lik gi yuagnabin yabiñ. Bapi abe, ejol nipe gau abe niñmidlö niñöl gi, nibi bi yad midpal, a gem, waiö hagnabin.^e

⁶Kale nibi bi gasi rimid midainim gau, God Ana nipe Krai nibi bi nipe midpal ram minöñ ke ke gau kalip manö hagöp u niñ aij gimim,” a göp,’ a gimön.

Krais nibi bi nipe Piladelpia midmidal manö hag ñeb

⁷“Pen daun kub Piladelpia Krai nibi bi nipe midpal gau, ejol kalip abad midöp u nip manö kali kliñ rikmön hagnön:

‘Bi Uñ u; Bi manö niñö yabiñ hagöp u; kiñ Depid ki rib nipe nöd abad midmidöp u, Bi ki rib anibu uri udöl midöp u, adan hiikö, nibi bi rimnap gi ñöl rö lagöp; pen adan gi ñö, nibi bi rimnap hiiköl rö lagöp. Bi anibu nöp, Piladelpia nibi bi abad midpan gau kalip manö anibi hag yuöp.’^f

⁸Nipe hagöp,

“Kale gipim rö niñbin. Kale nibi bi iru midagpim u pen manö yip niñ ud pidöñ gimim, kale nibi bi yad midpim manö u waiö hag ñibim. Anibu, kalöp adan hiiknö, nibi bi rimnap gi ñöl rö lagöp.^g ⁹Nibi bi rimnap, hon God nibi bi yijig göl midpun a gipal u pen Seden sabe gep ram nipe midpal. Pen yad kalip ginö, kale magöñhalö am ma it kalöp au kugom yimöm, ubör yihöñ göm, yad kalöp midmagö libin u niñöl.^h ¹⁰Kalöp gi naji gipal u pen yad hagpin rö nöp gimim, gasi iru niñagmim, klö gimim, wög yad göl gi midaibe rö, nibi bi minöñ naböñ it i ke ke gau, yip cig gi midpal aka yip arö ginaböl a gem, kalip magöñhalö marö ñinabin ñin u, kalöp abe ñagnabin.ⁱ

¹¹Söl midöp ninabin. Manö aij yad niñ udpim u, niñ ud pidöñ gimim, yip cig göl gi nöp midpe, kalöp usajiñ bad pör kamiñ midep kalöp ñinabin a gipin u, nibi bi rimnap piñ gi ud aröl rö lagnim.

^c 3:3 Mad 24:43-44; Rep 2:5; 16:15; 1De 5:2 ^d 3:4 Jud 23 ^e 3:5 Eks 32:32-33; Mad 10:32; Luk 10:2; 12:8 ^f 3:7 Ais 22:22 ^g 3:8 1Ko 16:9 ^h 3:9 Rep 2:9; Ais 45:14; 49:23; 60:14

ⁱ 3:10 Luk 21:19; 2Di 2:12

¹²Nibi bi an God Manö hagöp rö gö, nip gi naji gilö, gasi iru niṇagöm, God Manö hagöp rö nöṗ gi damöm, yip cig göl gi nöṗ mideinab u, yad nip ginö, God yad sabe gep ram u padö kub ap rö mideinab. God sabe gep ram anibu nipe pör pör nöṗ raul aṇ daṇ midöm höṇ adö aragnab. Yad hañ adö nipe, God yad hib nipe u abe kali kliñ rikem, God yad daun kub nipe Jerusalem gisön nibö kumi kabö adö laṇ au nibö aunab u, daun kub anibu hib u abe kali kliñ rikem, hib yad gisön nibö u abe kali kliñ rikem ginabin.^j

¹³Kale nibi bi gasi rimid midainim gau, God Ana nipe Krais nibi bi nipe midpal ram minöṇ ke ke gau kalip manö hagöp u niṇ aij gimim,” a göṗ, a gimön.

Krais nibi bi nipe Leodisia midmidal manö hag ñeb

¹⁴“Pen daun kub Leodisia Krais nibi bi nipe midpal gau, ejol kalip abad midöp u nip manö kali kliñ rikmön hagmön:

‘Bi hib nipe “Anib Unbö Rö Ginim” u; Bi, God nipe hagö, nan gau magöṇhalö gi la u; Bi nipe God hagöp rö nöṗ göm, manö aij u dam kabö göl nöṗ hag ñöb u, Leodisia nibi bi abad midpan gau kalip manö anibi hag yuöp.

¹⁵⁻¹⁶Nipe hagöp,

“Nagi adö kale gipim u yad niṇbin. Yip böṇ nöṗ cig gagpim; yip böṇ nöṗ arö gagpim. Manö aij yad u böṇ nöṗ niṇ udmim, hagöp rö gimim aka böṇ nöṗ arö gimim u aij! Yip gasi adö adö nöṗ niṇbim rö, kalöp tihak yunig gabin.^k ¹⁷Kale hagpim, ‘Hon nibi bi gep mid aij gipun; nan hon iru midöp; nan ap uṭep lagöp,’ a gipim u pen manö niṇagpim u, kale nibi bi ramö gau rö midpim; kale nibi bi mög gep rö midpim; kale nibi bi nan midagöp rö midpim; kale nibi bi amgö we midpim; kale magö nöṗ midpim.^l ¹⁸Anib u me, kalöp manö hagnig gabin i niṇ aij gimim, anib unbö rö nöṗ gimim. Nibi bi mög gep rö midpim rö, yip aumim kabö gol yad launö inöm adiṇ adiṇ halö midagöp u raumim me, nibi bi gep mideinabim. Magö nöṗ midpim u, nibi bi niṇlö nable ginim rö löp rö, yip aumim waliṇ rud ap raumim limim. Amgö niṇagpim rö, yip aumim amgö marasin ap raumim limim, amgö we göṗ u ñil niṇnabim.^m

¹⁹Nibi bi kalip midmagö libin gau gi naji geinaböl u, kalip arö gagnabin; mid aij gilaṇ, a gem, marö ñöl gi rimid ukpin. Anib u, gasi ktö niṇmim, nan si nan naji gipim u, nihön ginig anig gipun a gimim, böṇ nöṗ arö gimim, mid aij gimim.ⁿ ²⁰Niṇim! Yad apem, höṇ aṇ yaṇ midöl gi, ajöṇ pa gu gu göl gi abad midpin. Nibi bi an manö

^j 3:12 Ais 62:2; 65:15; Rep 14:1; 21:2 ^k 3:15-16 Ro 12:11 ^l 3:17 1Ko 4:8; Luk 12:21

^m 3:18 Ais 55:1; Rep 4:4 ⁿ 3:19 1Ko 11:32; Hib 12:6; Rep 2:5

yad u niñöm ajöñ hiikeinab u, yad ram raul migan nipe u amem, aip nan niñul jim nöl mideinabul.^o

²¹Seden yip marö kub ña ñin u, Bapi yad manö nipe u arö gagnö; haga rö nöp gi damem me, Bapi aip sea kiñ nipe adö u asiknö. Anib u rö, nibi bi Seden kalip marö nön, manö aij yad u arö gagöm, yip cig göl gi nöp mideinaböl gau, kalip hag dam yad aip sea kiñ yad adö u asiknabun.

²²Kale nibi bi gasi rimid midainim gau, God Ana nipe Krais nibi bi nipe midpal ram minöñ ke ke gau kalip manö hagöp u niñ aij gimim,” a göp,’ a gimön,” a ga.

4 ¹Pen manö kali kliñ rikpin anibu naböñ niñ damem, kauyañ u naböñ niñem niñnö, God ram minöñ kumi kabö adö lañ au ajöñ hiiköl mideia. Nöd aļiñ magö rö hagö niñnö u, kauyañ u hagöm yip haga, “Adö i aumön, nan hain ginab gau nöp yamnam,” a ga.^p ²Anig hagö niñöl gi, God Ana u apöm yip ba la niñöm yad niñnö, kumi kabö adö lañ au bi ap sea kiñ adö au asik mideia.^q ³Bi au asik mideia u mailö halö mideia; kabö jaspa abe kabö kanilian abe rud mailö göp rö mailö halö mideia. Pen kiñ sea asik mideia u, sibön nip gigabö göm, kabö emral rö in rikiñ rikiñ göm, in lak lugöl gi mideia.^r ⁴Sea kiñ nipe u añ yañ midö niñöl gi, bi kub bis gipal sea kiñ unbö ñin juöl ado gi da mihau mihau (24) gau löm gigabö gila. Bi kub manö ud asikep gau waļiñ rud yimöm, kabö gol udöm gila usajil bad gau ke ke löm, asik mideila.^s ⁵Bi sea kiñ añ yañ asik mideia au nibö, añim añim udöl gi, rimu hagöl gi, gigabö göl gi aram milö bö ara. Sea kiñ it anib au hapö mailö unbö mudun jiy u inöm mailö gi mideia. Hapö mailö anib gau me, God Ana unbö mudun jiy nipe u.^t ⁶Bi sea kiñ añ yañ asik mideia it au, kabö giłmasi u glas rö kid yabił göl mideia. Sea kiñ ba au, nan kamiñ midöp ke ke mihau mihau mid gigabö gila. Nan anib gau amgö iru nöp jöl gau midöm, pabił gau midöm ga.^u ⁷Nan kamiñ anib gau, ap laiön rö la, ap kaj kau nibar rö la, ap bi mulu adiñ rö la, ap yaur du auan milö löp u rö la. ⁸Pen nan kamiñ mihau mihau anib gau magönhalö auan unbö kagoł jiy la. Amgö iru nöp, adö gau löm, pabił gau löm magönhalö li haka. Amgö auan mo gau abe mideia. Pen sidö añ sibön yañ, kimap hag midöl gi hagaböl, “NIPE BI UL! “NIPE BI UL! “NIPE BI UL! GOD BI KUB KLÖ UNBÖ KE YABIŁ! NIPE NAN GAGEP AP MIDAGÖP! NIHÖN NIHÖN GINIG, GINAB! NIPE HADAME DAGOL GAU MIDMIDÖP, NIPE MIÑI MIDÖP, NIPE HAINÖ PÖR PÖR NÖP MIDEINAB!” a gaböl.”

⁹Pen nan kamiñ ke ke mihau mihau anib gau, bi pör nöp pör nöp kamiñ mideinab sea kiñ adö asik midöp u, nipe bi aij unbö ke midöp

^o 3:20 Jon 14:23 ^p 4:1 Rep 1:1,10 ^q 4:2 Ais 6:1 ^r 4:3 Esi 1:28 ^s 4:4 Rep 3:18

^t 4:5 Esi 1:13; Sek 4:2; Rep 1:4; 8:5; 11:19; 16:18 ^u 4:6 Esi 1:5-10,22; 10:14

^v 4:8 Ais 6:2,3; Esi 1:18; 10:12

a göm, níp aij a göl gi, hib mailö halö nipe haglö adö arö niñöl gi, ¹⁰bi kub manö ud asikep ñin juöl ado gi da mihau mihau (24), bi sea kiñ asik midöp it au kugom yimöm, bi pör nöp pör nöp kamiñ mideinab u, níp aij a göl gi, hib nipe haglö adö arab. Usajil bad kale gau ud ju nipe midöp au löm, hagaböl,”

¹¹ “God Bi Kub hon!

Nibi bi magöñhalö gau,
ne Bi kub ke yabił, a göm,
hib ne haglö adö arañ.

Nibi bi magöñhalö gau,
ne Bi aij ke yabił, a göm,
hib ne haglö adö arañ.

Nibi bi magöñhalö gau,
ne Bi klö ke yabił, a göm,
hib ne haglö adö arañ.

Ne nan gau magöñhalö gi lina.

Ne nöp hagö,
nibi bi midöm,
nan gau magöñhalö midöp,” a gaböl.

Jon köp nagi la ap niña

5 ¹Pen naböñ niñ damem niñnö, bi sea kiñ adö u asik mideia u, köp milö kub naböñ naböñ wamla ap ñimagö yijig nipe lau adö udöl mideia. Köp anibu, höñ adö gau kali kliñ riköm, raul yañ kali kliñ riköm gila. Pen naböñ naböñ wamöm, nagi ke ke unbö mudun jiñ u adik aij yabił gila.^x ²Pen yad niñnö, God ejol klö yabił ap wiñ kub alöm haga, “Nibi bi an rö nagi lila i hubiköm, köp anib i pilai ginim rö löp?” ö ga.

³Anig haga u pen kumi kabö adö lañ au abe, minöñ naböñ it i abe, minöñ yuö yañ abe, nibi bi köp anibu nagi ud ju pilainim rö ap midageia. ⁴Kumi kabö adö lañ au abe, minöñ naböñ it i abe, minöñ yuö yañ abe, nibi bi köp anibu nagi ud ju pilai ginim rö la ap ulhai niñagla rö, yad mög yabił gö miłöñ göl gi midainö. ⁵Pen bi kub manö ud asikep mideila gau ap yip haga, “Ne miłöñ gagmön. Nöñ! Laiön Juda nibö u kiñ Depid rikö rik dam dapil gilö, níp yag daula. Nipe kauł mauł nipe u ridik gi yua u me, köp anibu nagi ud ju pilai ginim rö löp,” a ga.^y

Jon Sipsip Pi u niña

⁶Anig hagö niñöl gi niñnö, Sipsip Pi al pak lilö umöm uraka rö ap, sea kiñ añ au mideia. Nan kamiñ midöp ke ke mihau mihau abe, bi kub manö ud asikep gau abe, mid gigabö gila. Sipsip Pi anibu kom

^w 4:10 Rep 7:10,15; 19:4 ^x 5:1 Ais 29:11; Esi 2:9-10 ^y 5:5 Jen 49:9; Ais 11:1,10; Rep 22:16

unbö mudun jin u, amgö unbö mudun jin u la. Amgö unbö mudun jin la manö it u, God nipe Ana nipe unbö mudun jin u yuö, ram minöŋ gau magöŋhalö kid kid aröp.^z ⁷Pen Sipsip Pi u Bi sea kin asik mideia it au amöm, köp ñin yijig nipe lau adö udöl mideia u uda. ⁸Udö niŋöl gi, nan kamiŋ mihau mihau abe, bi kub manö ud asikep unbö ñin juöl ado gi da mihau mihau (24) abe apöm, mideia au kugom yimla. Bi kub manö ud asikep anib gau kale nan gida rö gau ke ke udöm, kinaŋ kabö gol udöm gila gau ke ke ud mideila. Kinaŋ ud mideila migan anib gau, nan laulö in hadu göm haŋin aij auöp u, ajmaŋ rauöm mideia. Nan God nip laulö in haŋin aij auöp anibu, God nibi bi nipe gau nip sabe gipal u.^a ⁹Pen kale kimap gisön nibö ap hagöm hagla,

“Nöp al pak lilö,
hagape ne lugö,
nibi bi ram minöŋ ke ke midpal rö,
it ke ke midpal rö,
manö yabiŋ ke ke hagpal rö,
hañ ke ke löp rö,
ne rauna niŋöm
kale God nibi bi nipe midpal.

Anib u me, ne nöp köp wam adik aij ga anibu,
hubik piŋai gi niŋmön rö midöp.^b

¹⁰ Pen ne gina u, kale kin ram rö löm,
God nip sabe gep nibi bi löm, God hon nip wög gi ñibal.
Kale hainö ne aip nibi bi minöŋ naböŋ it i gau,
kalip magöŋhalö abad mideinaböl,” a gila.^c

Sipsip Pi u hib nipe haglö adö ara

¹¹ Pen naböŋ niŋ damem kauyaŋ niŋem niŋnö, ejol ñin juöl ñin juöl, dausan dausan iru yabiŋ nöp manö hageila. Sea kin anibu abe, nan kamiŋ mihau mihau gau abe, bi kub manö ud asikep gau abe, kalip biŋ gigabö gi mideila.^d ¹²Pen meg migan dap ranöm kimap hagöl gi hagla,

“Sipsip Pi al pak lila u, nipe aij yabiŋ.
Nipe nan gau magöŋhalö gi la, a gun,
hib nipe hagno adö araŋ.
Nipe nan ap uŋep lagöp, a gun,
hib nipe hagno adö araŋ.
Nipe gasi aij ke yabiŋ midöp, a gun,
hib nipe hagno adö araŋ.
Nipe klö ke yabiŋ midöp, a gun,

^z 5:6 Sek 4:10; Jon 1:36; Rep 13:8 ^a 5:8 Rep 8:3-4; Sam 141:2 ^b 5:9 Sam 33:3; 40:3; 96:1; 98:1 ^c 5:10 Eks 19:6; Ais 61:6; Rep 1:6; 20:6 ^d 5:11 Dan 7:10; Hib 12:22

hib nipe hagno adö araŋ.
 Nipe aij ke yabił midöp, a gun,
 hib nipe hagno adö araŋ.
 Nipe mailö aij ke halö midöp, a gun,
 hib nipe hagno adö araŋ.
 Nipe hib ke halö midöp, a gun,
 hib nipe hagno adö araŋ,” a gila.

¹³Pen yad niŋnö, nan niñön niñön God gi lö ake lab kumi kabö adö laŋ, minön nabön ił i, minön yuö yaŋ, ñig solwara aŋ gau magöŋhalö, kimap hagöm hagla,

“Bi sea kiŋ bis göp u abe,
 Sipsip Pi u abe,
 kale hib ke halö midpil, a gun,
 hib kalpe mihau hagno adö araŋ.
 Kale aij ke yabił midpil, a gun,
 hib kalpe mihau hagno adö araŋ.
 Kale mailö aij ke halö midpil, a gun,
 hib kalpe mihau hagno adö araŋ.
 Kale klö ke yabił midpil, a gun,
 hib kalpe mihau hagno adö araŋ,” a gila.

¹⁴Anig hageila, nan kamiŋ mihau mihau hagla, “Anib unbö rö aij,” a gila. Anig hageila, bi kub manö ud asikep gau kugom yimöm, God Sipsip Pi kalpe mihau hib haglö adö ara.

Sipsip Pi u nagi unbö mudun jiŋ u hubika

6 ¹Pen niŋ midnö niñöl gi, Sipsip Pi u, köp wam nagi adik pidön la ud mideia u, nagi adiŋ wañignibö u ud ju hubikö niñöl gi, nan kamiŋ mihau mihau, aŋi ap manö kub rimu hagöp rö hagöm haga, “Aue!” ga.^e

²Hageia niñnö, kaj hos rud ap apjaka. Hos adö anibu bi ap wim udöl gi asik mideia. God gö win ginim rö nöp löp rö, God nip usajil bad win göm udpal u li ñö, ram minön kumi kabö adö laŋ arö göm, nibi bi ram minön ił yaŋ aip pen pen göm, al ridik yunig ara.^f

³Pen Sipsip Pi u, nagi adiŋ yigwö aŋ nibö u ud ju hubikö niñöl gi, nan kamiŋ mihau mihau, yigwö aŋ nibö u haga, “Aue!” ga. ⁴Hageia niñnö, kaj hos aŋi yabił ap apjaka. Bi ap hos adö anibu asik mideia. God gö bi anibu klö nipe udöm, ram minön ił yaŋ aramöm gö, nibi bi ram minön gau gau magöŋhalö agamij mideila u arö göm, pen pen al paköl göm gilö arnab. Anibu God nip ru milö kid kub ap ña.

⁵Pen Sipsip Pi u, nagi adiŋ yigwö nigaŋ nibö u ud ju hubikö niñöl gi, nan kamiŋ mihau mihau, yigwö nigaŋ nibö u pen haga, “Aue!” ga.

^e 6:1 Rep 4:6; 5:1 ^f 6:2-5 Sek 1:8; 6:1-6

Hageia niñnō, kaj hos pīr ap apjaka. Bī kaj hos adō anibu asik mideia u, nan magō nan skel libal rō skel ap udōl mideia. ⁶Manō ap, nan kamiñ mihau mihau mideila aṇ au nibō hagōm, bī kaj hos pīr adō asik mideia u nip haga, “Kiyō kub aunab rō, mani kid aṇi damōm, nan iru raumidal rō rauagnabōl. Wid magō cōg^g aṇi ap rauniḡ, mani pe ṇin aṇi ap udpal rō nōp rauōl; pen bali magō cōḡ mihau niḡaṇ rauniḡ, u rō nōp mani pe ṇin aṇi ap udpal rō nōp rauōl. Pen olip wel u abe, ṇiḡ wain u abe pōr raubal rō rauōl!” a ga.

⁷Pen Sipsip Pi u, nagi adiñ yigwō milō nibō u ud ju hubikō niñōl gi, nan kamiñ mihau mihau, yigwō milō nibō u pen haga, “Aue!” ga. ⁸Hageia niñnō, kaj hos he pakōp ap apjaka. Bī kaj hos adō anibu asik mideia u, hib nipe Umeb; pen bī nipe aip hain aueia u, hib nipe Wip Ana Ram. God gō me, bī anib mihau adō ke ke gilō, nibi bī ram minōṇ gau iru nōp umōl rō la. Rimnap pen pen alōm umnabōl, rimnap kiyō kub auō umnabōl, rimnap miña nan gau gō umnabōl, rimnap kain hapeb nan hauḡ gau hau lilō umnabōl. Anig gōl um damōm me, nibi bī minōṇ nabōṇ iḡ i midpal iru nōp rō umnabōl, pen iru nōp yabiḡ mideinabōl.^h

⁹Pen Sipsip Pi u, nagi adiñ mamid u ud ju hubikō niñōl gi, niñnō, God nip nan sabe gep bid mo u, nibi bī God Manō niñ udōm, piñiñ gagōm, nibi bī gau kalip hag ṇōm, Krais nibi bī nipe midpun waiō haglō, kalip al pak lila ana kale gau mideila. ¹⁰Kale wiñ kub alōm hagla, “God Bī Kub klō yabiḡ. Ne Bī Uḡ. Ne niñō yabiḡ adō u nōp giṇan! Pen ṇin aigegō rō midmōn, nibi bī ram minōṇ iḡ yaṇ, hanip al pak lila gau kalip manō kub gimōn, ilōn ṇinabōn?” ö gila. ¹¹Anig haglō niñōl gi, ejol gau kalip waiḡ rud milō ke ke ṇōl gi hagla, “Sōl midōp; abad midaimim. Namam nañin kalōp aip God nip wōḡ gi ṇibal gau, rimnap halō al pak lōl me, God wō ral la naba u arō, hagabim rō ginab,” a gila.ⁱ

¹²Pen Sipsip Pi u, nagi adiñ kagoḡ jiñ u ud ju hubikō niñōl gi, niñnō, munmon kub yabiḡ u udō niñōl gi, sidō u, wadi asōl mab inōm pīr gōp rō u gō, rakin u bōṇ nōp hagape midōp rō aṇi yabiḡ la.^j ¹³Gapi gau, pinōm klō udōm kia magō po gagōp gau gu lugōp rō u ju luga.^k ¹⁴Pen kumi kabō adō laṇ, hanai ral libal u rō ga. Ram minōṇ ilō gau abe, ram minōṇ ṇiḡ rib gigabō ga gau abe, midmidal ka u arō göm, ḡḡi gi ke ke arla.^l ¹⁵Anig gō niñōl gi, kiñ ram minōṇ ke ke gau, kiñ ṇi pro kale gau, bī kub ami bī abad mideila gau, nibi bī gep yabiḡ gau, nibi bī hib mideia gau, nibi bī rau dam lilō nagi wōḡ geila gau, nibi bī gasi ke niñōm wōḡ geila gau, magōṇhalō, piñiñ gi amōm kabō miḡan, minōṇ miḡan gau pi gi mideila.^m ¹⁶⁻¹⁷Pi gi midōm hagla, “Bī sea kiñ adō asik midōp u abe, Sipsip Pi u

^g 6:6 Grik manō koiniks a göp u, lida aṇi ap nōp rō. ^h 6:8 Jer 15:1-3; Esi 5:12,17;

14:21 ⁱ 6:11 Rep 7:9,13; 19:14 ^j 6:12 Mad 24:29; Ap 2:20; Rep 8:12; 11:13; 16:18

^k 6:13 Ais 34:4 ^l 6:14 Rep 16:20 ^m 6:15 Ais 2:10,19,21

abe hanip ilön kub ñinabil ñin hain pör haggpun u hadö auöp u me, hon midagaiun. Kabö juöm aka ram minöŋ ilö kub gai i pa jö gi apöm, hanip böŋ nöp pasa gö, Bi sea kiŋ asik midöp u hanip niŋagnim; Sipsip Pi hanip manö kub hagöm pen ilön kub ñagnim,” a gila.”

Isrel nibi bi iru nöp God kliñ nipe udla

7 ¹Pen kuöyaŋ u niŋnö, ejol mihau mihau ram minöŋ goł mihau mihau ke ke urak midöm, pinöm mihau mihau udöl midöm, minöŋ naböŋ, ñig solwara, mab gau, naij gagnim, a göm, naböŋ kale ke aña aña udöl gi mideila.^o ²Pen yad niŋnö, ejol ap sidö lim göp gau nibö, God Bi Pör Kamiŋ Midöp nan kliñ rik lep nipe u damöm, ejol mihau mihau God hagö söl ram minöŋ ñig solwara gi naij ginig gaila anib gau kalip haga, ³“Pidöŋ gim! Nibi bi God hon nip wög gi ñibal gau kliñ nipe u nable kale laŋ rikaiun; hainö pinöm yube, amöm ram minöŋ, ñig solwara, mab nan gau gi naij ginim,” a ga.^p

⁴Pen manö ap hagla niŋnö, nibi bi God kliñ nipe nable laŋ rikla anib gau, Isrel nibi bi ił ke ke gau jim ñila u wan hadred podi po dausan (144,000).^q

⁵ Nibi bi anib gau, Juda ił u kale 12,000;

Ruben ił u kale 12,000;

Gad ił u kale 12,000;

⁶ Asa ił u kale 12,000;

Napdalai ił u kale 12,000;

Manasa ił u kale 12,000;

⁷ Simion ił u kale 12,000;

Lipai ił u kale 12,000;

Isaka ił u kale 12,000;

⁸ Sebyulan ił u kale 12,000;

Josep ił u kale 12,000;

Benjamin ił u kale 12,000,

u me, jim ñila u wan hadred podi po dausan me u.

⁹Pen manö kali kliñ rikpin anibu naböŋ niŋ damem, kauyaŋ u naböŋ niŋem niŋnö, Bi sea kiŋ asika u abe, Sipsip Pi u abe midlö niŋöl gi, nibi bi iru nöp amgö ilö adö kale au urak mideila. Nibi bi anib gau, ram minöŋ ke ke la rö, ił ke ke la rö, hañ ke ke la rö, manö yabił ke ke la rö, gau nibö gau nibö apöm mideila. Nibi bi wö ralep rö midageia anib gau, magöŋhalö waliŋ rud nöp yimöm, galon ułaŋ ud midöl gi, ¹⁰God hib nipe haglö adö arö niŋöl gi, wiñ kub hagöm hagla,

“God hon sea kiŋ bis göp u abe,

^a 6:16-17 Joe 2:11; Mal 3:2; Luk 23:30 ^o 7:1 Jer 49:36; Dan 7:2 ^p 7:3 Esi 9:4,6; Rep 9:4

^q 7:4 Rep 14:1,3

Sipsip Pi u abe hanip nan a gîmil gi aij gilö u me,
kamiñ arnabun,” a gila.^r

¹¹ Ejol gau magöñhalö Bî sea kiñ asik mideia u abe, bi manö ud asikep
gau abe, nan kamiñ mihau mihau gau abe, kalip big gigabö gi mideila.

Kale ap lug kugom yimöm, ubör yihöñ göm, God hib nipe u dap ranöm,

¹² hagla,

“Niñö yabiñ!

God hon hib ke halö midöp, a gun,

hib nipe hagno adö arañ.

Nipe mailö aij ke halö midöp, a gun,

hib nipe hagno adö arañ.

Nipe gasi aij ke yabiñ midöp, a gun,

hib nipe hagno adö arañ.

Nipe ga u, nip aij yabiñ, a gun,

hib nipe hagno adö arañ.

Nipe aij ke yabiñ midöp, a gun,

hib nipe hagno adö arañ.

Nipe nan nihön ginam a ginab u, u nöp ginab, a gun,

hib nipe hagno adö arañ.

Nipe klö ke yabiñ midöp, a gun,

hib nipe hagno adö arañ.

God hon hib nipe u pör pör nöp hagno adö arañ.

Niñö yabiñ!” a gila.^s

Kuöyañ ilön udagnaböl

¹³ Pen bi kub manö ud asikep anib gau bi ap, yip hag niñöm haga,
“Nibi bi wañj rud libal anib gau an? Pen kale gai nibö aubal?” ö ga.

¹⁴ Hageia hagnö, “Bî kub. Yad niñagpin; pen ne niñban,” a ginö. Anig
hagnö, yip haga, “Nibi bi gai i kalip marö ñilö, bislam yabiñ midöm
kamiñ aubal. Pen kale Sipsip Pi hagape nipe u udöm, wañj kale gau uñ
mañi gilö, rud göp.”^t ¹⁵ Anib u me,

“Kale God sea kiñ iñ au midöl gi, sidö añ, sibön yañ,
sabe gep ram raul migan nipe u wög nipe göl gi, gipal.

Bî sea kiñ bis gi midöp u

kalip abad mid aij yabiñ ginab.”^u

¹⁶ Kalip kiyö kuöyañ gagnab, ñig nan kuöyañ gagnab,
sidö kal kuöyañ niñöm ilön gagnab.”^v

¹⁷ Nihön ginig: Sipsip Pi sea kiñ añ au midöp u,
sipsip abadep bi kale midöm,

^r 7:10 Rep 4:10 ^s 7:12 Rep 5:12 ^t 7:14 Dan 12:1; Mad 24:21 ^u 7:15 Ais 49:10

^v 7:16 Sam 23:2; Ais 25:8; Rep 21:4

kalip ut gi ñig ilam junab gau arö,
 ñig kamiñ magö ñeb u ñiñnaböl.
 Pen God nipe miñöñ ñig kale u
 magöñhalö wik gi yunab,” a ga.

Sipsip Pi u nagi mudun jin u hubika

8 ¹Pen Sipsip Pi u nagi mudun jin u hubika niñöm kumi kabö adö lañ au manö ap hagagöm, yöp magö ap magöñhalö agamij yihariñ mideia. ²Pen midem, ejol unbö mudun jin God amgö ilö adö au urak midpal gau niñnö. Ejol anib gau aliñ magö ke ke udla.

³⁻⁴Pen ejol ap rin aij kabö gol udöm gila ap udöl mideia. Nipe pen amöm, God nip sabe gipal bid adö goñ au gilañ urak mideia. Nip nan laulö in hañiñ aij auöp u iru nöp ñila. God nip nan sabe gep bid kabö gol udöm gila u sea kiñ adö au mideia niñöm ejol anibu, nan hañiñ aij anibu ud God nibi bi nipe nip sabe gila manö u aip ut mañi göm, bid adö au ud magum gi dap lauö niñöl gi, hadu anibu in ap ran ara.^w ⁵Pen rin aij anibu udöm, mab miñan God nip nan sabe gep bid adö lañ ineia gau ud rin migan yañ löm, ud minöñ naböñ il yañ yua niñöm rimu hagöl gi, gigabö göl gi aram milö bö arö niñöl gi, añim añim udöl gi, munmon uda.^x

Ejol aliñ magö gau pu ginig geila

⁶Magö anibu, ejol unbö mudun jin aliñ magö ud mideila gau, ud dap ranöm pu ginig geila.

⁷Ejol nöd u, aliñ magö nipe u pu gö, möñ gapi magö u abe, mab miñan u abe, hagape ut mañi göl gi, minöñ naböñ il yañ hoñ yua. Anig gö, minöñ naböñ il i naböñ miñau nigan rö hagöm, naböñ mihöp midailö, naböñ añi ap, mab, nan uñan kamiñ kamiñ urak mideia gau, magöñhalö in habik ñiñ ara.^y

⁸Pen ejol yigwö añ nibö u, aliñ magö nipe u pu gö, ram minöñ ilö kub yabiñ mab rö ineia ap, ñig solwara añ au ud yua. Anig gö, ñig solwara au naböñ miñau nigan rö hagöm, naböñ mihöp midailö, naböñ añi ap ñig solwara magöñhalö hagape la. ⁹Pen kabsañ nan ñig solwara mideila gau, naböñ miñau nigan rö hagöm, naböñ mihöp midailö, naböñ añi ap magöñhalö um hakla. Ñig magib ñig solwara au mideila gau naböñ miñau nigan rö hagöm, naböñ mihöp midailö, naböñ añi ap böñ nöp pa jö ma jö göm piral ara.

¹⁰Pen ejol yigwö nigan nibö u, aliñ magö nipe u pu gö, gapi paglin kub mab miñan rö apöm, kumi kabö adö lañ nibö big jua. Anig gö, ñig ribö

^w 8:3-4 Rep 5:8; Eks 30:1-3 ^x 8:5 Lep 16:12; Eks 19:16-19; Rep 11:19; 16:18

^y 8:7 Eks 9:23-26; Esi 38:22; Joe 2:30

gau abe, ñig ilam gau abe naböŋ mihau nigan rö hagöm, naböŋ mihöp midailö, naböŋ añi ap gi naij ga. ¹¹Gapi anibu hib nipe, “Marasin Asi”. Nibi bi iru yabił nöŋ, ñig gi naij ga anib gau ñiŋöm umla.^z

¹²Pen ejol yigwö milö u, ałiŋ magö nipe u pu gö, sidö, rakin, gapi gau hadu rö pału göm, mailö aij pör göp rö gaga. Sidö u, naböŋ mihau nigan rö hagöm, naböŋ mihöp midailö, naböŋ añi ap gi naij ga. Rakin u, naböŋ mihau nigan rö hagöm, naböŋ mihöp midailö, naböŋ añi ap gi naij ga. Gapi gau, naböŋ mihau nigan rö hagöm, naböŋ mihöp midailö, naböŋ añi ap gi naij ga. Sidö mailö magö u, naböŋ mihau nigan rö hagöm, naböŋ mihöp midailö, naböŋ añi ap sidö mailö gaga. Sib aŋ yaŋ magö u, naböŋ mihau nigan rö hagöm, naböŋ mihöp midailö, naböŋ añi ap rakin mailö gaga.^a

¹³Pen yad anig göl niŋ mid niŋöl gem niŋnö, yaur du ap kumi kabö aŋ aulik u gi ajöl göm, manö kub rö hagöm haga, “Ake! Ake! Naij yabił ginig gab. Ejol rimnap halö ałiŋ magö kale pu ginig gaböl. Ejol mihau nigan anib gau ałiŋ magö kale gau pu gilö, nibi bi minöŋ naböŋ adö ił i midpal gau kalip naij yabił ginabi!” a ga.^b

Ejol mamid u ałiŋ magö nipe u pu ga

9 ¹Ejol mamid u, ałiŋ magö nipe u pu ga niŋöm, yad niŋnö, gapi kumi kabö adö laŋ nibö big ju minöŋ naböŋ ił yaŋ ap lug gi mideia. Pen gapi anibu nip ki rib ułöm migan mauin juaga u ñeila.^c ²Gapi anibu ki rib u udöm, ułöm migan mauin juaga ajöŋ u hiikö, hadu kub yabił ap ranöm, sidö u gö pału göm, sibön aua.^d ³Anig gö, joŋ habładiŋ gau, hadu aŋ anib gau nibö gi dam minöŋ naböŋ adö yaŋ löm, God nipe gö, rirabö gau nibi bi big ilön ñinab rö ginig geila. ⁴God nipe joŋ habładiŋ anib gau kalip haga, “Nan ułan, mab ułan, nan nihön nihön minöŋ naböŋ ił yaŋ rannim gau, gi naij gagmim; nibi bi kłiŋ yad u nable kale laŋ midagöp gau nöŋ gi naij gimim,” a ga.^e ⁵God haga anibu, joŋ habładiŋ gau nibi bi kalip böŋ nöŋ al pak lö umöl rö laga; yihariŋ rakin unbö mamid u ilön naij unbö ke kalip nöl rö la. Kalip ilön ñinaböl anibu, rirabö gau nibi bi big ilön ñinab rö ñinab. ⁶Ñin aŋ anibu, nibi bi anib gau umnabun, a göm, niŋnaböl u pen umeb adan ramö ap midageinab.^f

⁷Joŋ habładiŋ anib gau, bi kaj hos dam pen pen alniŋ, nan kłö libal rö gau li mideila. Nabic cög kale adö laŋ usajil bad kabö gol udöm gila gau rö rol gila. Mulu majmaŋ kale gau nibi bi rö la.^g ⁸Nabic umagö kale gau, nibi nabic umagö rö la. Pen meg kale gau, kain hapeb, laiön a gipal u, meg rö la.^h ⁹Pabił gau, ain sior rö u lila. Pen iru nöŋ auan pakeila u me,

^z 8:11 Jer 9:15 ^a 8:12 Esi 32:7; Rep 6:12-13 ^b 8:13 Rep 9:12; 11:14 ^c 9:1 Rep 20:1

^d 9:2-3 Jen 19:28; Joe 2:2,10; Eks 10:12-15 ^e 9:4 Rep 7:3 ^f 9:6 Job 3:21; Jer 8:3

^g 9:7 Joe 2:4 ^h 9:8 Joe 1:6

kaj hos iru nöp gadal badal gau iru nöp tip gi dam pen pen alnig amöm, gi gu göp rö u haga.ⁱ ¹⁰Himgan adiñ miñ, rirabö amin nibi bi hauö ilön göp rö u la. God gö, rakin unbö mamid u, nibi bi gau kalip ilön ke naj yabiñ ñöl gi mideinaböl. ¹¹Jon habtadiñ anib gau kiñ kale, ejol utöm miñan mauñ juaga abad midöp ejol anibu me. Hibru manö hagöm, hib nipe Abadon a gimidal pen Grik manö hagöm, Apolyon a gimidal.^j

¹²Anib u, miñör kub nöd u hadö pis göp pen miñör kub mihöp midöp.

Ejol kagoñ jñ u aliñ magö nipe u pu ga

¹³Pen ejol kagoñ jñ u, aliñ magö nipe pu ga niñöm yad niñnö, manö ap auaia bid kabö gol udöm gila adö au, kom mihau mihau midmidöp anib au nibö. Bid anibu God amgö ilö au gilañ mideia. ¹⁴Manö anibu ejol kagoñ jñ aliñ magö ud mideia u nip haga, “Ejol mihau mihau nagi adik lilö, ñig kub yabiñ Yupredis goñ au midpal gau, hubik yumön,” a ga. ¹⁵God ejol mihau mihau anib gau kalip nöd hag lö, mi anibu nöp, rakin anibu nöp, ñin anibu nöp, magö anibu nöp abad midmidal u me, ñin anibu hadö aua rö, nibi bi minöñ naböñ it i iru nöp al pak löl, a göm, hubik yua. Nibi bi minöñ naböñ adö it i midpal gau magöñhalö naböñ mihau nigan rö hagöm, naböñ mihöp midailö, naböñ aña ap al pak linig arla.^k ¹⁶Pen yip hagla niñnö, ami bi kaj hos adö asiköm nibi bi pen pen al pak linig arla gau du hadred miñön (200,000,000) mideila.

¹⁷Pen yad niñnö, kaj hos kale gau abe, bi hos adö asikla gau abe kapa sior yimla gau, rimnap mab miñan aña rö ga, rimnap kabö mu “sapaia” a gipal u rö ga, rimnap kabö uhañin “salpa” a gipal u rö ga. Kaj hos nabic gau, laiön nabic rö la. Meg migan kale lañ nibö mab miñan abe, hadu abe, nan salpa hañiñ naji asi yabiñ u abe aua. ¹⁸Meg migan kale lañ nibö mab miñan abe, hadu abe, nan salpa hañiñ naji asi yabiñ u abe apöm gö, nibi bi iru nöp um hakla. Nibi bi minöñ naböñ adö it i midpal gau magöñhalö naböñ mihau nigan rö hagöm, naböñ mihöp midailö, naböñ aña ap umla. ¹⁹Kaj hos anib gau klö kale u mideia maj migan kale abe, amin adiñ miñ kale abe. Amin kale gau, hañjo nabic rö la u me, nibi bi gau kalip gi naji göl rö la. ²⁰Pen nan naji anib gau gö, nibi bi iru nöp um hakla u, nibi bi mideila gau ga anibu niñöm, niñön ginig kabö mab nan gau udun ñimagö hon ke nöp nan piral gi libun a göm, arö gagla. Niñön ginig nan si nan naji gipun a göm, arö gagla. Pen nan yihariñ gau, nan amgö niñagmidöp gau, nan manö niñagmidöp gau, nan adan ajagmidöp gau, nan kabö gol, silpa, bras, kabö, mab udöm gila gau nöp sabe gun a göm, kijaki aiön pi nan naji gau kalip nöp sabe gun a göm, gi mideila.^l ²¹Pen wip alöm, kuj göm, nibi si bi si göm, nan si udöm, gilö arö niñöl gi, niñön ginig anig gabun, a göm, arö gagla.

ⁱ 9:9 Joe 2:5 ^j 9:11 Hibru manö Abadon abe, Grik manö Apolyon abe, manö it u “Bi nibi bi al pak lep.” ^k 9:15 Rep 8:7-12 ^l 9:20 Rep 16:9,11; Sam 115:4-7; 135:15-17; Dan 5:23

Ejol ap Jon nip köp ñö ñiŋa

10 ¹Pen naböŋ niŋ damem niŋnö, ejol klö yabił unbö ke ap kumi kabö adö laŋ nibö auajip. Ejol anibu nip kumi rud ap wam wam gö niŋöl gi, siböŋ nabic nipe piral gigabö göm, mulu adiŋ nipe u sidö rö mailö göm, ma kid nipe u mab inöm miłan göp rö u ga. ²Nipe kumi kabö adö laŋ nibö apöm, ma yijig kid u ñig solwara adö u rauöm, ma sidagö kid u minöŋ adö u raua. Köp pro bad ap piłai udöl gi mideia. ³Pen nipe kaj laiön manö kub hagöp rö u hagö, rimu unbö mudun jiŋ u manö kub hagöm manö rimnap pen haga. ⁴Manö haga anibu kali kliŋ riknam, a ginö, manö ap kumi kabö adö laŋ nibö haga, “Manö anibu halö kali kliŋ rikagmön; manö anibu pi göl midan,” a ga.^m

⁵Pen ejol ma böŋ lap u ñig solwara adö u rauöm, böŋ lap u minöŋ adö u rauöm mideia niŋnö u, ñin yijig kid nipe u dap ranöm, God ram minöŋ adö laŋ au yama.ⁿ ⁶Anig göm, God pör nöp pör nöp kamiŋ midöp u, kumi kabö adö laŋ nan gau magöŋhalö gi la u, minöŋ naböŋ nan gau magöŋhalö gi la u, ñig solwara nan gau magöŋhalö gi la u, God niŋö anibu midöp rö niŋö yabił hagabin a göm haga, “God miŋi rapin midagnab! ⁷Pen ejol mudun jiŋ u aliŋ magö nipe pu ginig ginab ñin anibu nöp, God nipe manö hagep bi nip wög gila gau kalip haga rö nöp, manö nipe pi göl midöp u uri ginab,” a ga.^o

⁸Pen manö kumi kabö adö laŋ nibö nöđ niŋnö u, yip kauyan hagöm haga, “Ejol ma böŋ lap u ñig solwara adö rauöm, böŋ lap u minöŋ adö rauöm midöp u nip ammön hagö, köp pro piłai ud midöp u, nöp ñinim,” a ga.

⁹Anig hageia, ejol mideia u amem, yip köp pro yagol u ñi, a ginö, yip ñöl gi haga, “Ud ñöŋ. Niŋö, meg migan ne u bom ñig dö kal göp rö ginab u pen mudun aŋ yaŋ amöm, asi ginab,” a ga.^p ¹⁰Hageia, köp pro anibu udem niŋnö, bom ñig dö kal rö ga u pen ñiŋ pa bo yunö, mudun aŋ yaŋ amöm asi ga.

¹¹Pen yip haga, “Nibi bi ram minöŋ ke ke gau iru nöp, hañ ke ke gau iru nöp, manö yabił ke ke gau iru nöp, kiŋ ram minöŋ gau abad midpal ke ke gau iru nöp, hainö kalip nihön nihön ginab u, God manö u kauyan hag ñimön,” a ga.

Bi God manö hag ñeb mihau

11 ¹Pen yip ur milö nan li niŋbal ap ñöl gi hagla, “Am God sabe gep ram u li niŋmön, God nip nan sabe gipal biđ adö u li niŋmön, gimön. Nibi bi God sabe gep ram raul migan apöm nip sabe ginaböl gau u rö nöp, wö ral niŋmön.”^q ²Pen Juda nibi bi wasö gau, pör apöm waryö

^m 10:4 Dan 12:4,9 ⁿ 10:5 Dud 32:40; Dan 12:7 ^o 10:7 Emo 3:7 ^p 10:9 Esi 2:8; 3:1-3

^q 11:1 Esi 40:3; Sek 2:1-2

höŋ aŋ yaŋ midpal rö, ka anibu halö li niŋagmön. Nihön ginig: kale nöŋ daun kub ul Jerusalem naiŋ göl gi midlö midlö, rakin unbö ñin juöl mihöp ado gi da yigwö aŋ nibö (42) arnab.^r ³Yad pen, bi manö yad hag ñeb mihöp hag yunö, yihaŋiŋ wadi asöl rö gau yimöm, manö yad hag ñi ajlö, ñin wan dausan du hadred sikisdi (1260) arnab,” a ga.

⁴Bi God manö hagep anib mihau, Bi Kub minöŋ naböŋ it i abad midöp u, amgö ilö nipe au midpil. Kale mab olip ur mihau, lam mihau me.^s ⁵Pen nibi bi rimnap kalip mihöŋ gi naiŋ ginig gilö, mab miŋaŋ meg miŋan kale u nibö apöm, kalip in haknab. Kalip mihöŋ gi naiŋ geinaböl nibi bi gau, kalip anig unbö rö nöŋ ginab.^t ⁶God kalip mihöŋ klö nipe ñö, manö hagep wög nipe gi damöl gi, möŋ alagaŋ, a gilö, alagnab; ñig gau hagape laŋ, a gilö, hagape linab; nibi bi gau kalip marö nihön nihön gau gaŋ, a gilö, ginab. Ñin aigeg anig ginim a ginabil u, anig unbö rö nöŋ ginab.^u ⁷Pen God manö u hag ñi dammil, naböŋ hag haklö, nan hapeb ulöm miŋan mauin juaga yaŋ nibö aunab u, kalip mihöŋ aip pen pen gi damöm, böŋ nöŋ al pak lö umnabil.^v

⁸Wip he milö anib mihau mideinabil daun kub yabiŋ u lor aŋ au. Daun kub yabiŋ anibu me, Bi Kub u nip mab kros ba laŋ al pak lila. Pen daun kub yabiŋ anibu hib ap Sodom, hib ap Ijip, a gipal.^w

⁹Pen nibi bi ram minöŋ gau ke ke midpal gau, it ke ke midpal gau, manö ke ke hagpal gau, haŋ ke ke la gau, kalip mihöŋ niŋöl gi nöŋ midöm, wip he milö anib mihau dam rigöl gagmim, a gilö, umnabil ñin adiŋ u riköm, ñin mihau nigaŋ halö kuö au nöŋ midlö niŋöl gi, nibi bi anib gau wip he milö anib mihau niŋ sisi ginaböl.

¹⁰Bi God manö hagep anib mihau, nibi bi minöŋ naböŋ adö it i midpal kalip miŋör kub ñi midmidil rö, pen paj hagöm, nan kub niŋöl gi, nan aij pen ñö pen ñö ginaböl.

¹¹Pen ñin adiŋ u abe, ñin mihau nigaŋ abe, wip he milö anib mihau gau midailö pen God nipe ake bad ap yuö aŋ kalip yaŋ arö urakmil nanöl midailö. Anig ga niŋöm, nibi bi niŋeila gau kalip aninin yabiŋ ga.^x ¹²Pen bi God manö hagep anib mihau niŋlö, manö kub ap kumi kabö adö laŋ nibö, “Kale auil!” a ga. Nibi bi kauaŋ mauaŋ kale mihöŋ gau niŋ midlö niŋöl gi, kumi rud ap kalip wam wam gi udö, God ram minöŋ kumi kabö adö laŋ au arlö.^y

¹³Pen magö anibu nöŋ, munmon kub yabiŋ udöm, daun kub anibu naböŋ unbö siduŋ laŋ rö hagöm, naböŋ unbö ajiŋ u mideila niŋöm naböŋ aŋi ap pa jö ma jö gö, nibi bi sepen dausan um hakla. Pen nibi

^r 11:2 Luk 21:24; Rep 13:5 ^s 11:4 Sek 4:3,11-14 ^t 11:5 2Sa 22:9; Sam 97:3 ^u 11:6 1Ki 17:1;

Eks 7:17-20; 1Sa 4:8 ^v 11:7 Dan 7:21; Rep 12:17; 13:7; 17:8 ^w 11:8 Luk 13:34

^x 11:11 Esi 37:5,10 ^y 11:12 2Ki 2:11

bi mideila gau, nan ga anibu niñöm piñiñ göm, God ram minöñ kumi kabö adö lañ au midöp u nöp hib haglö adö ara.^z

¹⁴Pen niñim! Miñör kub yigwö añ nibö u hadö pis göp, pen miñi miñör kub yigwö niganj nibö u söl ginig gab.^a

Ejol mudun jiñ u aliñ magö nipe pu ga

¹⁵Magö anibu nöp ejol mudun jiñ u, aliñ magö nipe u pu gö niñöl gi, manö ap kumi kabö adö lañ nibö hagöm haga,

“Uri Bi Kub hon u, Krais nipe u aip,

ram minöñ gau magöñhalö pör nöp pör nöp abad midnab,” a ga.^b

¹⁶Pen bi kub manö ud asikep ñin juöl añi ap ado gi da yigwö milö u (24), sea kiñ adö kale u God amgö ilö nipe asik mideila gau, kugom yimöm ubör yihöñ göm, God nöp sabe göl gi hagla,

¹⁷“God, ne Bi Kub klö ke yabiñ u!

Nöd midmidan, miñi midep nöp midpan!

Bi klö unbö ke yabiñ pör midpan rö,

miñi nibi bi ram minöñ gau magöñhalö

Kiñ kale midpan u rö,

nöp aij yabiñ gabun!

¹⁸Nibi bi ram minöñ gau nibö nöp niñöm, kal yabiñ jula.

Pen miñi ne kal juep ñin u hadö auöp.

Miñi nibi bi umla gau kalip

manö kub hagep ñin u hadö auöp.

Miñi nibi bi nöp wög göm,

manö ne hag ñibal gau abe,

nibi bi manö aij ne niñ udöm,

hib ne niñöm ana udpal gau abe,

nibi bi hib halö midpal aka

ramö gau midpal gau magöñhalö,

nan aij kalip pen ñinabön,

ñin u hadö auöp.

Pen nibi bi hañowañ göm,

nibi bi rimnap kalip al pak libal gau,

kalip pen u rö nöp al pak linabön,

ñin u hadö auöp,” a gila.^c

¹⁹Anig haglö niñöl gi, God sabe gep ram kumi kabö adö lañ au midöp u migan hiiköm, God Manö mideia kes magö u waiö la niñnö. Magö anibu nöp añim añim udöm, rimu hagöm, gu kub yabiñ u hagöm, munmon udöm, möñ gapi magö kub yabiñ paköm, ga.^d

^z 11:13 Rep 6:12; 16:18 ^a 11:14 Rep 9:12 ^b 11:15 Eks 15:18; Sam 10:16; Dan 2:44; 7:14

^c 11:18 Sam 110:5; Ro 2:5; Rep 20:11-13; Sam 115:13 ^d 11:19 Hib 9:4; Rep 8:5; 15:5; 16:21

Nibi u abe re ubil kub u abe

12 ¹Pen naböŋ niŋ damem niŋnö, nan ke hain nibö kub ap kumi kabö aŋ aulik ga. Nibi ap sidö waliŋ rö löm, ma nipe rakin adö au löm, gapi unbö migan laŋ u, kwin rol gipal rö usajil bad nipe nabic adö laŋ lö mideia. ²Pen nipe ñi painaŋ rikniŋ, ñi painaŋ niŋö niŋöl gi, wöŋ paköm gaia.^e

³Nan ke hain nibö ap halö, kumi kabö aŋ aulik waiö la niŋnö. Re ubil hagape halö kub yabil unbö ke ap mideia. Nabic cög nipe unbö mudun jin löm, kom nipe unbö siduŋ laŋ löm, kiŋ rol gipal usajil bad gau, nabic cög adö nipe ke ke löm mideia.^f ⁴Re ubil kub anibu, amin nipe u gapi kumi kabö adö laŋ gau pakö, iru nöŋ big ju minöŋ naböŋ iŋ i ju luga. Anib u, gapi magöŋhalö mideila gau naböŋ mihau nigaŋ rö hagöm, naböŋ mihöp midailö, naböŋ añi ap big ju yua. Pen nipe nibi ñi painaŋ yag daunig geia u, yag dauö niŋin, a göm, apöm abad mideia.^g ⁵Pen nibi anibu ñi ap yag daua. Ñi anibu nipe ain ur milö udöm, nibi bi ram minöŋ gau magöŋhalö abad mideinab. Pen nibi u ñi anibu nip yag dauö, ejol ap ñi anibu piŋi gi udöm, dam God nipe sea kiŋ nipe kumi kabö adö laŋ midöp au ud ara.^h ⁶God nibi anibu nip ka ap gi lö, piŋiŋ gi anib gau amöm, anib gau nöŋ midö niŋöl gi, God nip nan magö nöl gi abad mideinab ñin wan dausan du hadred sikisdi (1260) arnab.

⁷Pen kumi kabö adö laŋ au, ejol kub Maikel ejol nipe gau udöm amöm, re ubil kub anibu yam nipe gau aip pen pen göm gi damöm me,ⁱ ⁸⁻⁹re ubil kub u yam nipe gau halö, kumi kabö adö laŋ nibö al ridik yuöm böŋ nöŋ minöŋ naböŋ iŋ i yula. Re hadame dagol gau mideia, re anibu kijaki aka Seden a gipal u, nipe nöŋ nibi bi ram minöŋ gau gau magöŋhalö kalip manö pir alö, manö piral nipe u niŋla.^j

¹⁰Pen manö kub ap kumi kabö adö laŋ au nibö hagöm haga,

“Miñi God nipe nibi bi gau ud kamiŋ yunab.

Miñi God nipe klö nipe udöm, nibi bi ram minöŋ gau gau magöŋhalö Kiŋ kub ke yabil mideinab.

Miñi God Krais nipe u nöŋ,

Bi Kub klö ke yabil midöm,

nibi bi ram minöŋ gau gau magöŋhalö abad mideinab.

Nihön ginig: Seden nipe God amgö ilö nipe au midöm,

sidö aŋ, sibön yaŋ,

añ mam hon gau nan si nan naj nihön nihön geila gau hagmidöp u,

nip minöŋ naböŋ iŋ yaŋ ud yula.^k

^e 12:2 Mai 4:10 ^f 12:3 Dan 7:7 ^g 12:4 Dan 8:10 ^h 12:5 Ais 7:14; 66:7;

Sam 2:9; Rep 19:15 ⁱ 12:7 Jud 9 ^j 12:8-9 Jen 3:1,14; Luk 10:18; 22:31; Rep 20:2

^k 12:10 Job 1:11; Sek 3:1

¹¹ Pen añ mam hon gau,

Sipsip Pi hagape nipe u abe,

Krais manö niñö hag ñimidal u abe gö,

Seden nip mo kale gau lila.

Nibi bi nipe nöp midpun, a göm, piñiñ gagöm,

hanip al pak linig al pak lö, a gi gasi niñla.

¹² Anib u, kale kumi kabö adö lañ au midpim gau,

miñ miñ göl gi midaimim.

Pen kale minöñ naböñ abe, ñig solwara u abe midpim gau,

kalöp mög niñbin.

Nihön ginig: Seden nip kale midpim anib yañ ud yulö,

ñin nipe iru midagöp rö, kal yabiñ juöp," a ga.¹

¹³ Pen re ubiñ kub anibu, yip minöñ naböñ adö iñ i ud yubal, a göm, gasi u niñöm, nibi ñi yag daua anibu nip ridik gi yuaia pen, ¹⁴ God nibi anibu nip yaur du kub auan kub miñau li ñö, nipe u göm ram minöñ kabö nöp midöp añ au God ka nipe gi la anibu ara. Am anib gau midö niñöl gi, God nipe nip nan magö ñöl gi abad midö, mi miñau niñan rakin unbö kagoñ jiy arnab. Re ubiñ u nibi u nip nan naij ap ginim rö lagnab.^m

¹⁵ Pen re ubiñ u, ñig ul rö ñihak yunö nibi anibu nip ugal arañ, a göm, ñihaka u, ¹⁶ pen minöñ u nibi anibu nip gi ñö, ñig re ubiñ ul rö ñihak yua anibu minöñ naböñ migan gau pa jö gi amöm, ur ur gö ara. ¹⁷ Anig gö, re ubiñ u nibi anibu mulu kal yabiñ lugö, nibi u ñi painañ nipe gau, God Manö hagöp rö göm, Jisas manö niñö nipe niñ udöm hain göm nibi bi rimnap kalip hag ñibal gau aip pen pen ginig ara.ⁿ ¹⁸ Pen re ubiñ u amöm ñig solwara goñ au urak mideia.

Nan hapeb ap ñig solwara añ gau nibö apjaka

13 ¹ Midem niñnö, nan hapeb rö ap, ñig solwara añ gau nibö aueia. Nabic cög nipe unbö mudun jiy löm, kom unbö siduñ lañ löm, kiñ rol gipal usajil bad gau, kom adiñ ke ke löm mideia. Pen nabic nipe unbö mudun jiy u, God nip hag juep hib naij rimnap añi añi kali ktiñ rik lilö mideia.^o ² Nan hapeb anibu, kain hapeb leped rö la u pen ma nipe gau kain hapeb bea ma rö la. Meg migan nipe u, kain hapeb laiön meg migan rö la. Pen re ubiñ u, klö nipe ke abe, kiñ kub ke yabiñ mideia klö u abe, nan hapeb anibu nip ña.^p ³ Pen nan hapeb anibu nabic cög nipe ap, nöd böñ nöp al pak lilö kiñ ga rö la u pen kuöyañ miñep ga. Anig gö, nibi bi minöñ naböñ adö iñ i gau gau magöñhalö gasi gasi löm, nan hapeb anibu nip hain gila.^q ⁴ Pen re ubiñ anibu kiñ kub ke yabiñ mideia klö u nan hapeb anibu nip ña u me, nibi bi gau re ubiñ anibu nip hib haglö adö

¹ 12:12 Ais 44:23; 49:13 ^m 12:14 Dan 7:25; 12:7 ⁿ 12:17 Rep 11:7 ^o 13:1 Rep 12:3; 17:3,7-12 ^p 13:2 Dan 7:4-6 ^q 13:3 Rep 17:8

ara. Pen nan hapeb anibu abe kiŋ kub ke yabił rö midöp u, nibi bi rimnap nip aip pen pen göl rö lagöp, a göm, nibi bi gau magöŋhalö nan hapeb u, u rö nöp hib nipe haglö adö ara.

⁵Pen God nan hapeb anibu nip niŋebir arö gö, hib nipe ke hagö adö arö, God hib nipe manö naij hagöm dap lugö, rakin unbö ñin juöl mihöp ado gi da unbö yigwö aŋ nibö u (42) ara.^r ⁶Nipe aniŋ göm, God nip hag juöm, hib nipe manö naij hagöm, ram minöŋ nipe kumi kabö adö laŋ au hag juöm, adö laŋ au nipe aip midpal gau kalip hag juöm, ga. ⁷Pen God nan hapeb anibu nip niŋebir arö gö, Krais nibi bi nipe gau aip pen pen göm, al juöm, nibi bi gau magöŋhalö, il ke ke midpal rö, ram minöŋ ke ke midpal rö, manö yabił ke ke hagpal rö, hañ ke ke löp rö, kalip magöŋhalö abadöl mideia.^s ⁸Nibi bi minöŋ naböŋ adö il i gau gau magöŋhalö rö, nan hapeb anibu hib nipe haglö adö arnab. Pen nibi bi au, ram minöŋ hadame dagol gau gi laga ñin u, God nibi bi pör kamiŋ nöp mideinaböl buk anib yaŋ hib kale kali kliñ rika gau nöp, nan hapeb anibu hib nipe haglö adö aragnab. Buk anibu, Sipsip Pi al pak lilö uma u buk nipe me u.^t

⁹Kale nibi bi gasi rimid midainim gau manö anib i niŋim!

¹⁰Nibi bi God nagi aröl, a göm, niŋöb gau,
nagi arnaböl.

Nibi bi ru milö kid udöm biniŋ gilö umöl, a göm, niŋöb gau,
ru milö kid udöm biniŋ gilö umnaböl.

Aniŋ ginab rö, Krais nibi bi nipe gau ap lug pakagun, a göm, Krais manö aij u niŋ ud pidöŋ göm, hagöp rö göm, Krais nip cig aij göl gi nöp midaiöl.^u

Nan hapeb ap halö minöŋ naböŋ aŋ giyaŋ nibö apjaka

¹¹Pen kauyaŋ niŋem niŋnö, nan hapeb rö ap halö minöŋ naböŋ aŋ giyaŋ nibö apjaka. Kom nipe mihau u, sipsip pi kom rö la u pen manö nipe u, re ubił rö haga. ¹²Nipe nan hapeb nöd nibö u nip wög gi ñöl gi, nibi bi ram minöŋ gau magöŋhalö manö klö hagöm gö, nan hapeb nöd nibö nöd böŋ nöp al pak lilö kiła ga rö la u pen kuöyaŋ miłep ga anibu nip hib haglö adö ara.

¹³Nan hapeb hain nibö u nan gagep rö göm, nan niŋeb niŋagep rö göm, ga. Nibi bi niŋmidlö niŋöl gi, nipe gö, mab miłaŋ kumi kabö adö laŋ nibö ap minöŋ naböŋ il yaŋ luga.^v ¹⁴Pen God nipe nan hapeb hain nibö anibu niŋebir arö gö, nan hapeb nöd nibö amgö ilö nipe au nan gagep rö gaia u me, nibi bi minöŋ naböŋ gau gau magöŋhalö manö piral nipe u niŋ udla. Nan hapeb hain nibö u nibi bi gau kalip hagö, kale nan hapeb ru milö kid ud böŋ nöp al pak lila u pen kauyaŋ midöp u hib nipe

^r 13:5 Dan 7:8,25; 11:36; Rep 11:2 ^s 13:7 Rep 11:7 ^t 13:8 Sam 69:28; Rep 17:8; 20:12,15; 21:27 ^u 13:10 Jer 15:2; 43:11; Rep 14:12 ^v 13:13-14 Mad 24:24; 1Ki 18:24-39; Rep 19:20

dap rannig, nan nip rö ap gi lila. ¹⁵Pen God nan hapeb hain nibö u nip niñebir arö gö, nan ana nan hapeb nöd nibö rö gi lila anibu nip ake bad u pu gö arö, kamiñ löm, manö hagöm haga, “Yad bi kub. Hib yad nöp hagem adö aran,” a ga. Anig hageia, nibi bi hib nipe haglö adö araga gau magönhalö hagö al pak lila. ¹⁶Nipe hagö, nibi bi hib mideia gau, nibi bi hib midageia gau; nibi bi mani iru mideia gau, nibi bi mani midageia gau; nibi bi nagi wög geila gau, nibi bi gasi kale ke wög geila gau; kale magönhalö klin ap ñimagö yijig kid u aka nable lan udla.” ¹⁷Pen nibi bi klin anibu udagla gau, nan rauöl rö aka nan sikim göl rö laga. Klin anibu me, nan hapeb u hib nipe aka naba nipe me u.

¹⁸Nibi bi gasi niñ aij gipal gau manö it anibu ulhai niñöl rö löp. Niñ aij göm me, nan hapeb anibu naba nipe it u niñnaböl. Naba anibu, bi ap hib nipe u midöp. Naba anibu me kagoł kagoł kagoł (666).

Nibi bi iru nöp kimap gisön nibö ap hagla

14 ¹Pen kauyan niñem niñnö, Sipsip Pi u Saion Dum ilö lan ranöl midö niñöl gi, nibi bi wan hadred podi po dausan (144,000) gau nipe aip mideila. Nibi bi nipe aip mideila anib gau, nable kale lan hib nipe u abe, Nap hib u abe kali klin rik lilö mideia. ²Pen manö ap kumi kabö adö lan au nibö ñig hij kub big gu hagöp rö aka rimu gu milöbö hagöp rö u hagö niñnö. Manö anibu, nan gida rö pakpal hagöp rö u haga.” ³Pen nibi bi wan hadred podi po dausan (144,000) anib gau kale sea kin adö au gidan midöm, nan kamiñ mihau mihau abe, bi manö ud asikep gau abe niñ midlö niñöl gi, kale kimap gisön nibö ap hagla. Kimap gisön nibö anibu, nibi bi minön adö it i nibö rimnap niñöl rö laga; nibi bi wan hadred podi po dausan (144,000) God rau adog uda anib gau nöp kimap anibu niñöl rö la.” ⁴Bi anib gau kale nibi aip gi ajagpal; bi praj rö midpal. Sipsip Pi nipe gai arab niñöm, nip hain gipal. Krais kalip nibi bi an gau nibö rau adog udöm, God nip abe, Sipsip Pi nip abe kalip nan magö nöd ral daumidal rö nöp ña. ⁵Manö piral rimnap hagagla; nan si nan naj rimnap gagla.

Ejol mihau nigan manö hag ñila

⁶Pen kauyan u niñem niñnö, ejol ap kumi kabö an aulik u gi ajöl gi, nibi bi minön nabön adö it i, han ke ke löp rö, it ke ke midpal rö, manö yabi ke ke hagpal rö, ram minön ke ke midpal rö, Krais manö aij pör mideinab u kalip hag ñinig ga. ⁷Wiñ kub alöm haga, “God nipe manö kub hagnab ñin u hadö auöp rö, God nip anin gö piñin gimim. Bi Kub kumi kabö adö lan, minön nabön it i, ñig solwara, ñig ilam gau magönhalö gi la u, hib nipe u hagpe adö aran,” a ga.

” 13:16-17 Rep 14:9-11; 16:2; 20:4 * 14:2 Rep 1:15; 19:6 † 14:3 Ais 42:10; Rep 5:9; 7:4

⁸Ejol ap, ejol nöd u nip hain göl gi haga, “God gö daun kub Babilon böñ nöp ap lug paköp o! Nibi bi Babilon gau kale nibi si bi si göm, gi naij unbö ke gilö gilö, nibi bi ram minönj gau gau magönjhalö niñöm anib unbö rö nöp gila. Babilon nipe ñig wain klö nipe ke ñiñöm, nibi bi ram minönj ke rimnap gau kalip ñö ñiñlö, nipe göp rö, kale u rö nöp hau! alö gi naij nöp gila,” a ga.^z

⁹Ejol ap pen, ejol nöd mihau u kalip hain göm, wiñ kub alöm haga, “Nibi bi nan hapeb u hib nipe dap ranöl gi, nan nip rö niñöm gi lila u hib nipe dap ranöl gi, kliñ nipe u nable lañ aka ñimagö adö au udeinaböl gau,^a ¹⁰God nip mulu yabiñ lugö, ñig wain asi yabiñ u, kap kale yañ ralö ajmañ rauö, ñö ñiñaböl. Ejol uñ gau abe, Sipsip Pi u abe niñmidlö niñöl gi, kalip hag mab ke yañ u yuö, mab miñañ salpa halö u kalip inö niñöl gi, wög pak mideinaböl.^b ¹¹Mab miñañ u kalip inö niñöl gi, mab hadu anibu ranöm, gi damöm, pör pör nöp ap ranöl gi mideinab. Anib u, nan hapeb anibu hib haglö adö arnab nibi bi gau, nan ana nip rö gila anibu hib haglö adö arnab nibi bi gau, hib nipe kliñ anibu udnaböl nibi bi gau, God kalip pen ilön kub yabiñ u sidö añ, sibön yañ, pör pör nöp ñinab,” a ga.^c ¹²Anig ginab rö, Krais nibi bi nipe gau ap lug pakagun, a göm, God Manö hagöp rö niñ ud pidönj göm, hagöp rö göm, Jisas nip cig aij göl gi nöp midaiöl.^d

¹³Pen manö ap kumi kabö adö lañ nibö yip haga, “Manö hagnig gabin i kali kliñ rikmön. Miñi marö göp ñin i, nibi bi Bi Kub nip niñ udöm umnaböl gau, miñ miñ ginaböl,” a ga. Hageia, God Ana nipe haga, “Niñj yabiñ. Kale marö udöl gi wög uñham gi midpal rö, kale ake löm, miñ miñ göl gi mideinaböl,” a ga.

Nan wög minönj adö il i pidönj göp

¹⁴Pen yad niñnö, Bi ap Ñi nipe rö bi ap, kumi kabö rud bad adö au asik mideia. Nabic cög nipe lañ, kabö gol udöm usajil bad gila ap rol göm, ru agon giñapi rö gigabe göp ru kid yabiñ wid magö rik daubal rö ap ud mideia.^e

¹⁵Pen ejol ap, God sabe gep ram raul migan yañ nibö apöm, bi kumi kabö rud bad adö au asik mideia u nip wiñ kub alöm haga, “Minönj nabönj adö yañ wid magö gau po göp. Wid rik daupep ñin u auöp rö, ru agon giñapi rö ne anibu udmön, rik dap magum gimön,” a ga. ¹⁶Hageia, bi kumi kabö rud bad adö au asik mideia u, ru agon giñapi rö nipe u ud rib gi dö madö göm, wid magö minönj nabönj adö gau rana gau magönjhalö rib gi dö madö gi dap magum ga.

^z 14:8 Ais 21:9; Jer 51:7,8; Rep 17:2; 18:2,3 ^a 14:9 Rep 13:12-17 ^b 14:10 Jen 19:24;

Sam 75:8; Ais 51:17,22; Jer 25:15-16; Esi 38:22; Rep 16:19; 20:10; 21:8 ^c 14:11 Ais 34:10

^d 14:12 Rep 13:10 ^e 14:14 Dan 7:13

¹⁷Ejol ap pen God sabe gep ram raul migan kumi kabö adö lanj au nibö höŋ aua. Nipe u rö nöŋ ru agon giłapi rö ap udöl mideia.

¹⁸Magö anibu nöŋ, ejol mab miłan abad midmidöp u, God nip nan sabe gep bid au nibö apöm, ejol ru agon giłapi rö udöl mideia u nip wiñ kub alöm haga, “Wain magö minöŋ naböŋ adö yanj nibö gau po göp rö, ru agon giłapi rö ne u ud wain magö magöŋhalö rik dap magum gimön,” a ga.^f ¹⁹Anig hageia, ejol anibu, ru agon giłapi rö nipe u ud rib gi dö madö göm, wain magö gau rik dam, God nip mulu lugö wain magö abhib jakep ka migan u yua. Ka anibu God nibi bi gi naij gimidal gau kalip pen ilön ñinim rö midöp.

²⁰Wain magö abhib jakep ka migan anibu daun kub höŋ adö mideia. Wain magö migan anibu yuö, abhib jaklö niŋöl gi, hagape u ran ajman rauöm, ñig uł kub ap lugöp rö, hag ap lugöl gi, kilomida unbö ñin juöl ajip böŋ daŋ (300)^g rö ara. Hagape uł kub anibu kaj hos nabic adö lagod midöp rö u nöŋ adö lagod areia.^h

Ejol gau geinaböl, marö kub ke ke unbö mudun jiŋ u ginab

15 ¹Pen nan ke hain nibö niŋöm aiö hagep rö ap halö, kumi kabö an aulik ga niŋnö. Marö unbö mudun jiŋ gau gö, God nip mulu yabił lugöp u böŋ nöŋ naböŋ junab, a göm, ejol nipe unbö mudun jiŋ gau kalip hagö, marö kub anib gau dap minöŋ naböŋ ił i aunig geila.

²Pen ił anib au niŋnö, ñig waŋö glas rö ap mab miłan halö uł małi göm au mideia. Nibi bi nan hapeb hib naba midöp nan u abe, nan ana nip rö gila u abe aip pen pen göm win gila gau, goł anib au urak mideila. God kalip nan gida rö ke ke ñö, ³bi Mosis God nip wög gi ñimidöp manö u abe, Sipsip Pi manö u abe hagöl gi, kimap hagöm hagla,

“God, ne Bi Kub klö unbö ke halö.

nan nihön ginabin a ginabön, ginabön.

Ne kiŋ bi kub ram minöŋ gau magöŋhalö,

Kiŋ kale midpan u,

pör pör yijig gimön,

kabö rö nöŋ gipan.ⁱ

⁴Nibi bi magöŋhalö nöŋ niŋöm, ana udnaböl.

Ne aňi nöŋ uł midpan.

Nöp Bi Kub, a göm,

hib ne haglö adö arnab.

Ne nagi yijig göl adö u nöŋ

gi aij gipan u niŋöm,

nibi bi ram minöŋ gau nibö gau nibö magöŋhalö apöm

^f 14:18 Joe 3:13 ^g 14:20 Grik manö hagöm 1,600 sidadia ^h 14:20 Ais 63:3; Rep 19:15

ⁱ 15:3 Eks 15:1; Sam 139:14; 145:17

nöp sabe ginaböl,” a gila.^j

⁵Pen yad kauyan niñem niñnö, God nip sabe gep sel ram au Ram Raul Migan Kaminj Aij Ke Yabił u hiiköl mideia.^k ⁶Pen ejol unbö mudun jįj u, nibi bi minöñ naböñ adö i i gau kalip marö kub unbö mudun jįj niñig, God sabe gep ram raul migan yan nibö höñ aula. Ejol anib gau, waij rud aij mimailö ga gau nöp löm, dip nagi kabö gol udöm gila gau pabił an au pig löm aula. ⁷Nan kaminj mihau mihau anib gau añi ap apöm ejol unbö mudun jįj gau kalip kinañ kabö gol udöm gila ke ke ña. Kinañ migan anib gau, Bi Kub pör pör mideinab u, nibi bi gi naij gilö God kalip mulu kal niñöm miñör ñinab u ajmañ rauöm mideia. ⁸God mailö aij ke nipe u abe, klö naij nipe u abe gö, hadu kub yabił God sabe gep ram anibu ajmañ rau mideia. Nibi bi ap sabe gep ram anibu raul migan aröl rö laga. Ejol unbö mudun jįj u, marö kub unbö mudun jįj nibi bi niñig geila gau ñi haknaböl u nöp, hainö ram raul migan anibu aröl rö linab.^l

Ejol marö kub unbö mudun jįj gau ud daula

16 ¹Pen yad niñnö, manö ap God sabe gep ram raul migan yan nibö ejol unbö mudun jįj gau kalip wiñ kub alöm haga, “Nibi bi gi naij gilö God kalip mulu kal niñöm miñör ñinab u, kinañ unbö mudun jįj ajöñ lañ ajmañ rauöm midöp gau, dam minöñ adö yan hoñ gipe aran,” a ga.

²Anig hageia, ejol nöd u kinañ nipe dam minöñ adö yan hoñ gö, nibi bi nan hapeb kliñ u udöm, nan ana nip rö gila sabe geila gau, kalip wös hapeb ilön kub udep gau la.^m

³Ejol yigwö an nibö u, kinañ nipe dam ñig solwara adö u hoñ gö, ñig solwara u, bi uma hagape u rö löm, nan ñig solwara an anib gau mideila gau, magöñhalö um hakla.ⁿ

⁴Ejol yigwö nigan nibö u, kinañ nipe dam, ñig ilam juöp gau abe ñig yihariñ ap lugöp adö gau abe hoñ gö, ñig gau magöñhalö hagape la. ⁵Pen ejol ñig magöñhalö abad midöp u haga,

“Ne Bi Uł.

Ne hadame dagol midmidan; ne uri u rö nöp midpan.

Ne manö ud asik aij yabił gimön,

kalip niñö yabił anig gipan.

⁶Nibi bi anib gau nöp me, nibi bi ne gau kalip al pak löm,
bi manö ne hagep gau kalip al pak löm gilö,
hagape kale luga u me,
ne kalip pen u rö nöp hagape ñö niñaböl u,
kale ke göm udaböl me u,” a ga.

^j 15:4 Jer 10:6-7; Sam 86:9 ^k 15:5 Eks 38:21 ^l 15:8 1Ki 8:10-11; 2Kr 5:13-14; Ais 6:4

^m 16:2 Eks 9:10; Rep 13:12-17 ⁿ 16:3-4 Eks 7:17-21

7Anig hageia, manö ap God nip nan sabe gep bid adö au nibö haga,
 “God Bi Kub klö naji ke yabił.

Ne manö ud asik aij yabił gimön
 kalip niñö yabił anig gipan,” a ga.^o

8Ejol yigwo milö u, kinañ nipe u dam sidö u nip hoñ gö, nibi bi gau kalip kal yabił niñnim rö la. 9Kal yabił niñöm, kalip rapin ina u pen nan si nan naji gila u, nihön ginig anig gipun, a göm, arö göm, mid aij göm, God hib nipe haglö adö araga. God hanip marö ñab u, a göm, nip hag jula.^p

10-11Ejol mamid u, kinañ nipe u dam nan hapeb sea kiñ nipe adö au hoñ gö, nibi bi nipe abad midmidöp añ au adiñ sib ga. Wös hapeb löm, ilön kub gö, ałab hau gi dö gila u pen nan si nan naji gila u, nihön ginig anig gipun, a göm, arö gagla; göl gi nöp midöm, God kumi kabö adö lañ au midöp u nip hag jula.^q

12Ejol kagoł jiñ u, bi kiñ ram minöñ sidö auab gau nibö aunaböl a göm, kinañ nipe u dam ñig kub yabił Yupredis hoñ gö, ñig anibu böñ nöp milep ga.^r

13Anig gö niñöl gi, aiön pi mihau niganñ ban mihau niganñ rö leia niñnö. Ap re ubił meg migan u nibö apjaka; ap nan hapeb meg migan u nibö apjaka; ap bi God manö hagabin a göm manö piral nöp hagnab u meg migan u nibö apjaka. 14Aiön pi anib gau nan gagep rö göl rö la. Kale amöm kiñ ram minöñ ke ke gau gau midpal gau magöñhalö uł gi dap magum göm, God Bi klö ke halö ñin kub nipe hag la anibu, pen pen ginaböl.^s

15“Niñ aij gimim! Yad aunig gabin u, bi nan si udep gau niñ midagpal magö u nöp aubal rö u aunabin! Anib u me, nibi bi uhön hanagöm waliñ li aij göm mideinaböl gau miñ miñ ginaböl; magö nöp gau ajlö, kalip nable gagnab!”^t

16Pen aiön pi anib gau, bi kiñ ram minöñ ke ke gau nibö kalip uł gi dap magum gila; ram minöñ dap magum gila anibu Hibru manö hagöm Amagedon a gipal.^u

17Ejol mudun jiñ u, kinañ nipe u hoñ ga añ nöp adö lañ gau. Hoñ gö, manö ap sea kiñ God sabe gep ram raul migan yañ nibö wiñ kub alöm haga, “Naböñ juöp,” a ga. 18Anig hagö niñöl gi, rimu hagöm gu gö arö niñöl gi, añim añim udöl gi amdam magö bol gau ap lug paköm, munmon kub yabił nibi bi minöñ naböñ ił i nöd niñagmidal rö ap aua.^v 19Munmon kub yabił anibu udöm, daun kub yabił Babilon u pabu göm, asik naböñ mihau niganñ löm, daun kub ram minöñ ke ke gau ram nan gau big ju pa

^o 16:7 Sam 19:9; Rep 15:3 ^p 16:9 Rep 9:20-21 ^q 16:10-11 Eks 10:22; Ais 8:21-22

^r 16:12 Ais 11:15 ^s 16:14 Rep 19:19 ^t 16:15 Mad 24:43-44; Rep 3:3 ^u 16:16 Sek 12:11

^v 16:18 Rep 4:5; 8:5

jö ma jö gabin, a göm, ulis malis ga. Ga anibu, God nipe mulu kal niñöm, Babilon nibi bi gila u hauł gagöm, kalip ñig asi kap ajöñ lañ ajmañ raua u ñö ñiñla.^w ²⁰Pen ram minöñ pro ñig rib gigabö ga gau abe, ram minöñ ilö gau abe, böñ nöp ur ga.^x ²¹Marö kub yabił u me, möñ gapi magö kub yabił gau, magö aña aña ñin juöl mihöp ado gi da unbö siduñ lañ (50) kilo rö, kumi kabö adö lañ nibö lugöm, nibi bi gau kalip kal halö paka. Kalip kal halö pakö God nöp böñ nöp hag jula.^y

Bi si udep nibi u ilön kub udnab

17 ¹Ejol unbö mudun jiñ marö ke ke daula gau, ap apöm yip haga, “İ i auö, nöp nan ap yamnö nön! God geinab bi si udep nibi naij yabił u pen ilön kub udnig gab. Daun kub yabił ñig iru nöp söl au midöp u nöp hagabin.^z ²Bi kiñ ram minöñ ke ke midpal gau, bi si udep nibi anibu aip gi ajöl göm, nibi bi minöñ adö il i yihariñ gau u rö nöp, nan si nan nipe gimidöp u kalip ñig wain nipe ñö ñiñlö, kalip hauł alöp,” a ga.^a

³Pen God Ana u yip ba lö niñöl gi, ejol u yip dam ram minöñ kabö nöp midöp añ gau arö niñnö, nibi ap, nan hapeb hagape ap adö lañ asik mideia. Nan hapeb anibu, hañ romañ nipe gau, hib God nöp hag juep iru yabił nöp kali kliñ rik lilö mideia. Nabic cög nipe unbö mudun jiñ u löm, kom unbö siduñ lañ löm ga.^b ⁴Pen nibi niñnö anibu, waij hagape nibi kub libal rö löm, kabö gol iru nöp, kabö aij aij mani kub rauap iru nöp, magö pro kibap miñep rö rud gab “pöl” a gipal u iru nöp, hañ romañ nipe gau magöñhalö lö, mailö mailö göl gi mideia. Kap kabö gol udöm gila ap ud mideia. Kap migan anib yañ, bi aip si göm nan si pri naij yabił geia gau ajmañ rau mideia.^c ⁵Nable cög nipe lañ manö pi göl midmidöp ap kali kliñ rikla:

DAUN KUB YABIŁ BABILON U, NİBI SI Bİ SI Gİ AJPAL GAU ABE, NİBI Bİ
NAGİ NAIJ YABIŁ GİPAL GAU ABE, NİME KALE ME U.

⁶Pen yad niñnö, nibi anibu, nibi bi Jisas niñ udöm manö aij nipe waiö hag ñeila gau kalip al pak löm hagape kale ñig wain rö niñöm hauł al mideia.

Ga anibu niñem, ju damem gasi milö li midainö.^d ⁷Pen ejol anibu yip haga, “Nihön ginig ju dammön gasi milö libañ Nan hapeb nabic unbö mudun jiñ löm, kom unbö siduñ lañ löm göp u abe, bi si udep nibi nan hapeb adö lañ asik ajab u abe, manö il u nöp hag ñinig gabin.^e ⁸Nan hapeb niñabön anibu, nöd midmidöp, miñi midagöp, pen söl midöp, nipe ulöm migan mauñ juaga yañ nibö auö, God gö böñ nöp ur ginab. God ram minöñ hadame dagol gau gi laga ñin u, nibi bi minöñ naböñ adö il i

^w 16:19 Rep 14:10 ^x 16:20 Rep 6:14 ^y 16:21 Eks 9:23-24; Rep 11:19 ^z 17:1 Jer 51:12-13

^a 17:2 Ais 23:17; Jer 51:7; Rep 14:8 ^b 17:3 Rep 13:1 ^c 17:4 Jer 51:7; Rep 18:16

^d 17:6 Rep 18:24; 19:2 ^e 17:7 Rep 13:1

udnabin a göm niŋa gau, hib kale kali kliñ rika buk nipe yaŋ. Pen nibi bi hib kale kali kliñ rikaga gau, nan hapeb anibu kauyaŋ midnab u niñöm, aiö yabił ginaböl. Nihön ginig: nipe nöd midmidöp, miñi midagöp, pen hainö kuöyaŋ mideinab.^f

⁹“Manö anib gau niŋ aij göm nöp me, niñbal. Nan hapeb nabic nipe unbö mudun jiŋ midöp niñajan u, manö ił adö mihöp midöp. Nabic unbö mudun jiŋ anib gau, dum unbö mudun jiŋ nibi anibu asik midöp gau me. ¹⁰Pen nabic unbö mudun jiŋ anib gau, kiŋ unbö mudun jiŋ gau me. Kiŋ anib gau, unbö mamid u kiŋ midöm hadö umla, miñi kagoł jiŋ u nipe kiŋ midöp. Kiŋ mudun jiŋ u hainö aunig gab. Pen aueinab u, pro magö ap nöp mideinab. ¹¹Pen nan hapeb nöd midmidöp, miñi midagöp u, nipe ke kiŋ raleb jiŋ u aunab. Nipe me, kiŋ unbö mudun jiŋ gau nibö bi ap. God gö nipe böŋ nöp ap lug paknab. ¹²Pen kom unbö siduŋ laŋ niñajan gau, kiŋ unbö siduŋ laŋ. Kale miñi kiŋ midagpal pen hainö God gö kale magö aŋi ap nöp kiŋ midöm, nan hapeb u aip wög göl gi, nibi bi gau abad mideinaböl.^g ¹³Kale gasi adö aŋi niñöm, nan hapeb u nip haglö, nipe kuö kalip u udöm, nibi bi gau kalip abad mideinab. ¹⁴Kiŋ anib gau, Sipsip Pi u aip pen pen ginaböl u pen nipe bi kub gau magöŋhalö Bi Kub kale midöm, kiŋ gau magöŋhalö Kiŋ kale midöm göp rö, nip al pak löl rö lagöp. Nibi bi nipe ke wiñ alöm udöp gau, nip cig göl gi nöp mideinaböl rö, nipe aip kiŋ anib gau gilö böŋ nöp ap lug paknaböl,” a ga.

¹⁵Pen ejol anibu yip haga, “Niŋ gau bi si udep nibi asik midajip niñajan gau, nibi bi hañ ke ke löm, manö yabił ke ke hagöm, ram minöŋ ke ke midpal gau me. ¹⁶Kom unbö siduŋ laŋ niñajan gau abe, nan hapeb u abe, bi si udep nibi u nip mulu kal yabił niñöm, nan nipe gau magöŋhalö piłi gi udeinaböl me, magö nöp mideinab. Pen hañ romaŋ nipe u niñöm, naböŋ naböŋ mideinab gau laulö in habik arnab.^h ¹⁷Nihön ginig: God kalip gasi ñö, gasi adö aŋi niñöm, nan hapeb u nip hagö, kuö kale u udöm gö arö me, God ginab a göm hag la rö nöp ginab. ¹⁸Pen bi si udep nibi niñajan anibu, nipe me daun kub yabił kiŋ ram minöŋ ke ke gau magöŋhalö abad midöp daun kub anibu,” a ga.

Babilon ap lug pakniŋ gab

18 ¹Pen naböŋ niñem niñnö, ejol ap halö kumi kabö adö laŋ nibö auajip. Ejol anibu, God hag lö bi kub yabił mideia. Kumi kabö adö laŋ nibö apöm, mailö aij nipe u gö, minöŋ naböŋ ił i magöŋhalö mailö ga. ²Ejol anibu apöm wiñ kub alöm haga,

“God gö daun kub yabił Babilon böŋ nöp ap lug paköp o!

Böŋ nöp ap lug paköp o!

God gö daun kub anibu, nibi bi ap midagöp yabił;

^f 17:8 Dan 12:1; Rep 11:7; 13:7 ^g 17:12 Dan 7:7,24 ^h 17:16 Rep 18:8

- kijaki aiön pi yaur naij gau nöp midöp e.ⁱ
- ³ Nihön ginig: nibi bi Babilon gau kale nibi si bi si göm,
 gi naij unbö ke gilö gilö,
 nibi bi ram minöñ ke ke gau magöñhalö niñöm
 anib unbö rö nöp gipal.
 Babilon nipe ñig wain klö nipe ke ñiñöm,
 nibi bi ram minöñ ke rimnap gau kalip ñö ñiñlö,
 nipe göp rö, kale u rö nöp
 hauñ alöm gi naij nöp gipal.
 Kiñ minöñ naböñ adö il i gau,
 nipe aip gi ajöm, gi naij nöp gipal.
 Pen nipe nan aij aij gau udnam a göm pör gasi niñöb rö,
 bi minöñ naböñ adö il i nan sikim gipal gau mani kub udpal,” a
 ga.
- ⁴ Pen yad niñnö, manö ap halö kumi kabö adö lañ nibö haga,
 “Nibi bi yad Babilon midpim gau, daun anibu höñ adö ammim,
 Babilon kai aip uñ gagmim.
 Nan si nan naij kale gipal gau, kale aip gagmim.
 Ilön kub kale udnig gaböl u, kale u rö nöp udagmim.”^j
- ⁵ Nan si nan naij gipal gac u, nan asmen kub rö aram aram
 kub yabiñ ap ran ara kumi kabö adö lañ.
 God niñöm kale nan si nan naij gipal u
 gasi niñöl gi midöp.^k
- ⁶ Babilon nipe nibi bi rimnap kalip gi naij ga rö u,
 ne pen nip u rö nöp gi naij gimön.
 Pen Babilon nipe nibi bi rimnap kalip gi naij ga rö nöp wasö;
 nip pen gi naij ke yabiñ gimön.
 Babilon nipe nibi bi rimnap kalip ñig asi ñöb rö wasö;
 nip pen ñig asi ke yabiñ kap nipe hoñ gimön nip ñö ñiñnim.^l
- ⁷ Nan iru nöp udnam, a göm, hib nipe ke dap ranöb rö u,
 nip pen ilön mab unbö ke yabiñ ñö, mög yabiñ ginim.
 Gasi nipe ke niñöm hagöp,
 ‘Yad nibi kwin aui asik midpin.
 Yad nibi adu midagpin;
 miñör rimnap yip udnim rö lagöp,’ a göp.^m
- ⁸ Anig hagöp u
 pen God Bi Kub
 nip manö kub hagöm ilön ñinab u,

ⁱ 18:2-3 Rep 14:8; Ais 13:21; 34:11-14; Jer 50:39 ^j 18:4 Ais 48:20; Jer 50:8; 51:6,45;

2Ko 6:17 ^k 18:5 Jen 18:20-21; Jer 51:9 ^l 18:6 Sam 137:8; Jer 50:15,29; 2De 1:6

^m 18:7 Ais 47:7-9

bi klö unbö ke yabił midöp.

God Bi Kub nipe gö, ñin añi ap nöp miña kub ginab;
miłöŋ kub ginab; nan magö pilagnab, kiyö kub ginab.

Pen God Bi Kub nipe gö,

Babilon mab miłöŋ lug in habik ñiŋ arnab.ⁿ

⁹“Babilon mab inöm hadu ap ranö niŋöm, kiŋ ram minöŋ ke gau nibö
nibi anibu aip gi ajmidal gau mög gö miłöŋ ginaböl.^o ¹⁰Nibi u nip ilön
mab ke yabił ginab anibu, hanip u rö nöp ginim rö löp, a göm, ke ke au
daŋ midöm miłöŋ göm hagnaböl,

‘Wasö e! Wasö e! Daun kub ke yabił e!

Babilon daun kub klö ke yabił e!

Ne wan aua nöp manö kub niŋmön,

pen ilön kub udmön böŋ nöp ap lug pakpan,’ a ginaböl.

¹¹“Pen daun kub anibu ap lug paknab rö, bi nan sikim gimidal gau,
miñi nibi bi gau nan hanip rauagnaböl, a göm, mög gö miłöŋ ginaböl.^p

¹²Nan kale anib gau me, kabö gol, kabö silpa, kabö pro aij aij ke ke mani
kub rauep, magö pro kibap miłep rö rud gab ‘pöl’ a gipal u; laplap aij
yabił nan ‘linin’ a gipal u rik dam pak al dör gimidal u, laplap mu, laplap
aŋi, laplap ganwan hib nagi rö ud al dör göm ‘silk’ a gipal u; mab haŋiŋ
aij auep ke ke gau; kaj elpad meg kub udöm nan ke ke iru nöp gimidal
gau; mab po aij aij mani kub rauep nan ke ke iru nöp gimidal gau; nan
ain rö ‘brons’ a gipal u, ain u, kabö ‘mabil’ a gipal u udöm nan ke ke iru
nöp gimidal gau;^q ¹³nan haŋiŋ aij auep ñig ke ke gau, pauda ke ke gau
‘sinamin’ u, ‘spais’ u, ‘insens’ u, ‘mö’ u, ‘płaginsens’ u; ñig wain abe, olip
wel abe; wid magö abe, plaua abe; kaj kau abe sipsip abe; kaj hos abe,
nan kaj hos adiklō łip gi ud ajpal gau abe; nibi bi kalip rau daulō nagi
wög gimidal gau abe, nibi bi aip pen pen göm kalip nagi li daulō nagi
wög gimidal gau abe. Nan kale sikim gimidal anib gau me u.

¹⁴“Pen bi nan sikim gimidal gau Babilon nip hagnaböl, ‘Hañ roman
ne gasi göp nan aij aij ne gau magöŋhalö adiŋ hir göp. Kabö gol silpa
mani nan aij ke ke iru nöp ne u magöŋhalö hadö ur göp. Hainö kuöyaŋ
udagnabön,’ a ginaböl.

¹⁵“Bi Babilon au nan gau sikim göm, mani kub udmidal bi gau, Babilon
u nip ilön mab ke yabił ginab anibu, hanip u rö nöp ginim rö löp, a göm,
ke ke au daŋ midöm miłöŋ göl gi^r ¹⁶hagnaböl,

‘Wasö e! Wasö e!

Daun kub ke yabił e!

Daun kub kłiñ aij anibi, wałij aij aij,

laplap aij yabił linin rik dam pak al dör gimidal u,

ⁿ 18:8 Rep 17:16 ^o 18:9-10 Esi 26:17; 27:30-35 ^p 18:11 Esi 27:36

^q 18:12 Esi 27:12,13,22 ^r 18:15 Esi 27:31,36

laplap mu, laplap ati udöm rib adik li midmidöp;
 kabö gol, kabö pro aij aij ke ke mani kub raupe,
 magö pro kibap mitep rö rud gab “pöl” a gipal u udöm
 rib adik li midmidöp.^s

17 Pen miñi wan aua nöp nan aij aij nipe anib gau
 magönhalö hadö böñ nöp ur göp,’ a ginaböl.

“Ñig magib kapden gau abe, bi wög gep kale gau abe, nibi bi ñig magib
 adö ajpal gau abe, nibi bi ñig magib nan kago ud sikim gipal gau abe,
 magönhalö ke ke au dañ mideinaböl.^t 18 Ke ke au dañ midöm, daun kub
 anibu mab inöm hadu kub upit areinab u niñöm hagnaböl, ‘Daun klö ke
 yabit i rö ap nöd midagmidöp e!’ ginaböl.” 19 Kale halpit udöm, nabic adö
 kale lañ ud yuöl gi yuöl gi hagnaböl,

‘Wasö e! Wasö e! Babilon daun kub klö ke yabit e!

Babilon nipe midö niñöl gi, kabö gol, kabö silpa, mani,
 nan aij aij mani kub raupe nan gau ke ke iru nöp midö,
 ñig magib ajöl gun, mani iru nöp udmidun u,
 pen miñi wan aua nöp nan aij nipe anib gau
 magönhalö hadö böñ nöp ur göp,’ a ginaböl.

20 “Pen God nipe gö Babilon böñ nöp pa jö ma jö gi midöp u,
 kale kumi kabö adö lañ midpim gau
 paj hagemim obi ale ale gimim miñ miñ gimim!

God gö, bi si udep nibi anibu böñ nöp ap lug paköp u,

kale Krai nibi bi nipe midpim gau abe,

Krai manö aij nipe ud arep bi gau abe,

God manö hagep bi gau abe, kale obi ale ale gimim
 miñ miñ gimim!

Nipe kalöp gi naji ga u niñöm

God nipe nip manö kub hagem,

nip pen ilön kub yabit ñöb me u,” a ga.”

21 Pen magö anibu, ejol klö ke yabit ap, kabö kub yabit wid magö pak
 hib jaköm plaua gipal kabö u rö ap ud ñig solwara añ au ud yuöm haga,

“Anig unbö rö nöp daun kub ke yabit Babilon
 ud wañ gi yulö hainö nibi bi kuöyañ niñagnaböl.”

22 Babilon nibi bi miñ miñ göl gi, nan gida rö paköl gi,
 gabu paköl gi, ahiñ magö pu göl gi, midageinaböl.

Wög adö ke ke gipal rö u, gagnaböl.

Wid magö pak hib jaköm plaua gipal rö u, gagnaböl.^x

23 Nibi bi lam mailö daun kub añ anibu kuöyañ niñagnaböl.

Nibi bi ñilö udöm, miñ miñ göm, gagnaböl.

^s 18:16 Rep 17:4 ^t 18:17 Ais 23:14; Esi 27:27-29 ^u 18:18 Esi 27:32 ^v 18:20 Ais 44:23;
 Dud 32:43; Jer 51:48 ^w 18:21 Jer 51:63-64; Esi 26:21 ^x 18:22 Ais 24:8; Esi 26:13

Nibi bi ne sikim gimidal gau,
 ram minöŋ ke ke gau bi kub yabił midmidal.
 Pen nibi bi ne kuj göm, manö piral hagöm gilö,
 nibi bi ram minöŋ ke ke gau
 niŋöm magöŋhalö hain göm
 aniŋ unbö rö nöp gi naij gimidal.^y

24 “Babilon nibi bi gau nöp,
 God manö hagep bi nipe gau kalip al pak löm,
 nibi bi nipe gau kalip al pak löm, gimidal.
 Nibi bi minöŋ naböŋ ił i al pak limidal gau magöŋhalö ił u me
 Babilon nöp.

Aniŋ göp rö, God nip pen ilön kub yabił u ñöb,” a ga.^z

19 ¹Ejol klö ke yabił u manö anibu hag pis ga niŋöm yad gu kub
 yabił apdi niŋnö. Gu anibu, nibi bi i ru nöp kumi kabö adö laŋ
 miñ miñ göl gi, meg miŋan dap ranöm hagla,

“God hib nipe hagno adö araŋ!

God hon nöp nibi bi ud kamiŋ yuab.

God hon nöp mailö aij ke halö midöp.

God hon nöp bi klö ke yabił midöp.

2 God hon manö kub hagöm, manö ud asik aij göm,
 nibi bi gau kalip pen niŋö nöp ñöb.

Bi si udep nibi naij yabił anibu,

bi si udöm aip gi ajöm gö,

nibi bi ram minöŋ ke ke gau nibö apöm,

nipe geia u niŋöm, aniŋ unbö rö nöp gi naij geila.

Nibi anibu nipe God nibi bi nip wög gimidal gau al pak la u me,

God nipe nip manö kub hagöm pen ilön kub ñöb,” a gila.^a

3 Aniŋ hagöm, kauyaŋ meg miŋan dap ranöm hagla,

“God hib nipe hagno adö araŋ!

Daun kub ke yabił Babilon in hadu göm,

hadu u pör pör nöp ap rannab,” a gila.

4 Aniŋ hageila, bi manö ud asikep ñin juöl aŋi ap ado gi da mi hau
 mi hau (24) gau abe, nan kamiŋ mi hau mi hau gau abe, God sea kiŋ adö
 asik mideia ił au kugom yimöm he göm hagla,

“Niŋö yabił!

God hib nipe hagno adö araŋ!” a gila.

5 Aniŋ hageila, manö ap sea kiŋ mideia au gi laŋ nibö hagöm haga,

“Kale nibi bi ramö gau abe, nibi bi gep gau abe,

God hon nip wög gimim nip piñiŋ gipim gau

magöŋhalö hib nipe hagpe adö araŋ,” a ga.

^y 18:23 Jer 7:34; 16:9; 25:10 ^z 18:24 Jer 51:49; Rep 17:6 ^a 19:2 Dud 32:43; Rep 6:10

Krais nibi bi nipe gau kalip ud ram minöŋ nipe arö, miñ miñ ginaböl

⁶Pen magö u yad gu kub yabił ap, ñig hij big hagöp rö aka rimu hagö milöbö arab u rö, apdi niñnö. Gu anibu, nibi bi iru yabił nöp meg dap ranöm hagla,

“God hib nipe u hagno adö araŋ!

God Bi Kub hon u Bi klö ke yabił.

Nipe Kiŋ midöm nibi bi gau

kalip magöŋhalö abad midöp.^b

⁷Anib u, aij gö niñöl gi miñ miñ gun;

Gor nipe Bi klö ke yabił midöp u niñun,

hib nipe hagno adö araŋ.

Nihön ginig: Sipsip Pi u nibin nipe udnab ñin u auöp rö,

nibi u ram nipe arnig, nan gi jin göl gi midöp.^c

⁸Linin ud wałij uł rud mimailö göl gi midöp ap,

God nibin nipe nip ñö yimöb,” a gila.

Linin wałij aij anibu ił u, God nibi bi nipe gi aij gila anib gau me u.

⁹Pen ejol anibu yip haga, “God manö niñö yabił hagöp u, manö nipe rimnap hagnö kali kliñ rikmön. Nipe hagöp, ‘Nibi bi Sipsip Pi u wiñ alö amöm nipe aip nan kub niñnaböl gau, miñ miñ yabił ginaböl,’ a göp” a ga.^d

¹⁰Pen ejol anibu aniğ hagö, yad ma ił nipe au kugom yimem, nip sabe ginam, a ginö u pen yip haga, “Ne aniğ gagmön! God añi nöp nip sabe gimön. Kale abe, añ mam kale gau abe, Jisas manö aij nipe u niñ udmim hagöp rö gipim rö u, yad u rö nöp bi God nip wög gi ñeb bi ap midpin. Jisas manö niñö hag waiö la manö aij u nöp udöm, God manö hagep bi nipe gau manö hagalp,” a ga.^e

Krais kaj hos rud adö laŋ asiköm ajeia

¹¹Pen magö u niñnö, kumi kabö adö laŋ migan hiika niñöm bi ap kaj hos rud ap adö asik mideia. Bi kaj hos adö asik mideia bi anibu, hib nipe mihöp: hib ap Cig Göp, hib ap Kabö Rö. Nipe nibi bi gau kalip manö kub hagöm, manö ud asik aij göm, pen ilön ñöb u, hałöwałö ñagöp, gipal rö nöp niñöm ñöb. Aniğ unbö rö nöp u, nibi bi gau aip pen pen göm al ridik yuöp u, gasi niñ aij göm, manö ud asik aij göm, pen pen göm al ridik yuöp.^f ¹²Amgö nipe u mab miłan rö. Kiŋ rol gipal usajil bad iru nöp nabıc adö nipe laŋ lö mideia. Hañ romaŋ nipe au hib ap mideia. Pen hib anibu, nibi bi rimnap niñagpal; nipe ke nöp niñöb.^g ¹³Wałij li mideia u, hagape rim lö hagape halö mideia. Pen hib nipe u, “God Manö.”^h ¹⁴Ami Bi kumi kabö adö laŋ au niñö

^b 19:6 Rep 14:2 ^c 19:7-8 Ais 61:10; Rep 21:2 ^d 19:9 Mad 22:2-3 ^e 19:10 Ap 10:25,26; Rep 22:8-9 ^f 19:11 Rep 1:5; 6:2; Sam 96:13; Ais 11:4 ^g 19:12 Dan 10:6; Rep 1:14; 2:17

^h 19:13 Ais 63:1-3; Jon 1:1,14

gau, walij rud ul yabił ke ke löm, kaj hos rud adö gau ke ke asiköm, nip hain gila. ¹⁵Meg migan nipe yaŋ, ru milö kid yabił ap apjaka. Ru milö kid anibu udöm, nibi bi ram minöŋ ke ke gau aip pen pen göm al pak löm, ain ur milö ap udöm, kalip abad mideinab. Pen God hag la ñin anibu, God Bi Kub, Bi klö ke yabił u, nibi bi gi naij göm nip ji niŋnaböl gau kalip mulu kal yabił niŋöm, wain magö rö udöm, God wain magö abhib jakep ka migan u yuöm, Bi kaj hos rud adö asik midöp anibu kalip pak hib jaknab.ⁱ ¹⁶Pen walij milö nipe u abe, ma kuwił nipe u abe, hib ap kali kliñ rikla mideia:

KIŊ GAU KIŊ KALE U BI KUB GAU BI KUB KALE U^j

¹⁷Pen yad niŋnö, ejol ap sidö aŋ au gilaŋ urak midö niŋöl gi, yaur u göm ajeila gau kalip wiñ kub alöm haga, “God kalöp nan magö kub ñinig gab u, magöŋhalö apim magum gimim!”^k ¹⁸Aumim, kiŋ gau hañ romaŋ kale ñiŋmim, ami bi abad midep bi kub gau hañ romaŋ kale ñiŋmim, ami bi klö gau hañ romaŋ kale ñiŋmim, kaj hos gau hañ romaŋ ñiŋmim, bi kaj hos ud ajpal gau hañ romaŋ ñiŋmim gimim. Pen nibi bi nagi wög gipal gau, nibi bi gasi kale ke wög gipal gau, nibi bi hib kub midöp gau, nibi bi hib midagöp gau magöŋhalö, hañ romaŋ kale ñiŋnabim,” a ga.

¹⁹Pen magö u niŋnö, nan hapeb u abe, kiŋ minöŋ naböŋ ił i ke gau nibö gau nibö abe, Bi kaj hos rud ud ajöp u aip, ami bi nipe gau aip pen pen ginig, ami bi kale gau dap magum gila. ²⁰Anig geila u pen Bi hos rud ud ajeia u, nan hapeb u abe, bi nipe nibi bi gau kalip manö piral hagöm nan gagep rö ga u abe, kalip ud sisi göm, mab miłan salpa halö inmidöp ñig waŋö yaŋ yua. Pen nan hapeb bi nipe u nipe nöd nibi bi iru nöp manö pir alö, nan hapeb kliñ u udöm, nan ana nipe rö gila u, sabe gila.^l

²¹Pen Bi kaj hos rud ud ajeia u, ru milö kid meg migan nipe yaŋ nibö apjaka anibu ami bi gau kalip magöŋhalö al pak lö, yaur gau apöm hañ romaŋ kale gau ñiŋ niŋ wasö niŋöm arö gila.

Seden nagi midö mi unbö wan dausan innab

20 ¹Pen magö u niŋnö, ejol ap ulöm migan mauñ juaga ki rib u abe, sen klö yabił bol u abe, ñimagö nipe u udöl göm, kumi kabö adö laŋ nibö auajip.^m ²⁻³Dapöm, re ubił u, re hadame dagol nibö u, nip ud sisi göm, nibi bi ram minöŋ ke ke gau kalip kuöyaŋ piral gagnim, a göm, nagi adik dam ulöm migan mauñ juaga anib yaŋ yuöm, ajöŋ gi ñöm, pidöŋ gi aij yabił ga. Geia u me, nipe anib gau nagi midö midö, mi unbö wan dausan arö, kuöyaŋ u hubik yuö apöm, pro magö ap yiħariŋ gi ajeinab. Re hadame piral gep anibu me, kijaki u, Seden nöp.ⁿ

⁴Pen niŋnö, nibi bi rimnap ana kale kiŋ sea asikep adö ke ke gau asik mideila. Nibi bi anib gau, God hagö kale nibi bi gau kalip manö kub

ⁱ 19:15 Sam 2:9; Rep 1:16; 14:20 ^j 19:16 Rep 17:14 ^k 19:17 Esi 39:17-20

^l 19:20 Rep 13:12-17; 20:10 ^m 20:1 Rep 9:1 ⁿ 20:2-3 Jen 3:1; Rep 12:9

hagöm manö ud asiknig geila. Pen nibi bi anib gau, nan hapeb u nip ke abe, ana nipe rö gila nan u abe sabe gagöm, kliñ nipe nabic kale lañ aka ñimagö kale u udagöm, Jisas manö aij nipe nibi bi gau kalip waiö hag ñöm, God Manö hagöp rö nöp göm geila niñöm, kalip nabic cög rib gi dö gila. Yad niñöl gi midainö niñöl gi, ana anib gau kamiñ löm, Kraiss aip nibi bi gau kalip kiñ rö abad midlö midlö, mi wan dausan u ina.^o ⁵(Pen nibi bi rimnap umla gau, ñin anibu urakagla. Mi wan dausan u ina, hainö urakla.) Manö hagabin i, God nipe nöd gö nibi bi anib gau urakla u nöp hagabin. ⁶Nibi bi nöd uraknaböl gau, God nibi bi nipe ke nöp midöm aij gö niñöl gi miñ miñ yabiñ göl gi mideinaböl. Kauyañ umagnaböl. Kale God Kraiss kalip apil mihau sabe gep nibi bi rö wög gi ñöl gi midöm, Kraiss aip nibi bi gau kalip kiñ rö abad midlö midlö, mi wan dausan u innab.^p

Seden ilön kub udnab

⁷Mi wan dausan anibu ap arnab niñöl gi, God ejol nipe gau kalip hageinab, Seden nip nagi hubik yulö, ⁸amöm nibi bi ram minöñ il i ke ke gau magöñhalö midpal gau kalip manö piral hagnab. Nibi bi anib gau me, Gog aip Megog aip. Seden kalip magöñhalö ñip gi dauö, kale pen pen ginig aunaböl. Nibi bi pen pen ginaböl anib gau, kabö kuñup ñig solwara goñ gau iru nöp midöp rö nöp mideinaböl.^q ⁹Kale migan gau migan gau nibö apöm, daun kub God nibi bi nipe han mideila, daun kub God nipe midmagö löp anibu nöp, big gigabö geila. Daun big gigabö gila u pen adiñ mab miñañ kumi kabö adö lañ nibö apöm, kalip in habik ara.^r ¹⁰Pen God ejol nipe gau, kijaki nibi bi gau kalip manö piral hagöm ñip gi daua u, nip dam ñig wañö mab miñañ salpa halö inab yañ ud yula. Nan hapeb u aip, bi nipe nibi bi gau kalip manö piral haga u aip, nöd ñig wañö anib yañ yulö midailö. Mailö abe, sib abe, pör pör nöp ilön mab udöl gi mideinaböl.^s

Manö kub hainö yabiñ u

¹¹Pen sea kiñ rud kub yabiñ ap abe, Bi adö anibu asiköl midajip u abe niñnö. Bi Kub nipe au midö niñöl göm, minöñ naböñ il i abe, kumi kabö adö lañ abe, adiñ böñ nöp piñiñ gi ke gau arö, kuöyañ niñagin. ¹²Pen yad niñnö, nibi bi kub midöm umla gau abe, nibi bi ramö gau midöm umla gau abe, magöñhalö apöm sea kiñ il anib au urak midlö niñöl gi, köp rimnap ud piñaila. Köp ap, nibi bi kale kamiñ midöl gi, gila gila rö niñöm, kali kliñ rikla. Köp anibu ud piñaiöm, köp ap ud piñaila. Köp hain nibö ud piñaila u, nibi bi pör pör kamiñ mideinaböl hib kale kali kliñ rikla. Ud piñaila niñöm God nipe nibi bi umla gau nihön nihön gila u

^o 20:4 Dan 7:9,22,27; 1Ko 6:2; Rep 13:17 ^p 20:6 Rep 1:6 ^q 20:8 Esi 38:2,9,15-16

^r 20:9 2Ki 1:10 ^s 20:10 Sam 11:6; Rep 19:20; 21:8

niñöm, manö ud asiköm, kalip nime la.^t ¹³Pen nibi bi ñig solwara aŋ gau umla gau arlō niñöl gi, God nipe kalip manö kub haga. Umeb Magö u abe Wip Ana Ram u abe nibi bi umöm am abad mideila gau kalip magöŋhalö dam ñilö niñöl gi, kale ke ke nihön nihön gila u niñöm, God kalip manö kub haga.^u ¹⁴God nipe anig ga niñöm, Umeb Magö u abe Wip Ana Ram u abe, God hagö kalip mihöŋ dam mab miŋaŋ inab waŋö yaŋ ud yula. Mab miŋaŋ inab waŋö arbal u, Kuöyaŋ Umnaböl, a gipal. ¹⁵Pen nibi bi pör pör kamiŋ mideinaböl gau hib kale kali kliñ rikla köp anibu, nibi bi an an hib kale köp anibu midageia, God hagö, kalip magöŋhalö u rö nöŋ dam mab miŋaŋ inab waŋö yaŋ ud yula.

Minöŋ naböŋ iŋ i abe, kumi kabö adö laŋ abe ke hain nibö la

21 ¹Midem niñnö, minöŋ naböŋ gisön nibö abe, kumi kabö gisön nibö abe mideia. Minöŋ naböŋ nöŋ nibö u abe, kumi kabö nöŋ nibö u abe hadö ur göm midageia. Ñig solwara nöŋ midmidöp u, u rö nöŋ hadö ur göm midageia.^v ²Pen yad niñem niñnö, God gö Daun Kub Uŋ u, Jerusalem gisön nibö u, kumi kabö adö laŋ au nibö auajip. Daun Kub Uŋ anibu, nibi gau bi udnig, waliŋ kliñ aij löm abad midpal rö u mideia.^w

³Pen yad apdi niñnö, sea kiŋ mideia aŋ au nibö, manö kub wiñ al hagöm haga, “Miñi riköm, God nipe ke nibi bi gau aip ram gi löm mideinab. Nipe nibi bi gau aip han mideinab niñöm kale nibi bi nipe mideinaböl. God nipe ke kalip aip midöm, God kale mideinab.^x

⁴Nipe amgö ñig amgö kale midöp u magöŋhalö ñik gi yunab. Nibi bi umagnaböl; miñör udö, mög gö miŋöŋ gagnaböl; ilön udagnaböl. Nihön ginig: minöŋ naböŋ nöŋ nibö u had ur göm uri midagöp,” a ga.^y

⁵Pen Bi kiŋ sea adö asika u yip haga, “Yad nan magöŋhalö gisön nibö gi labin,” a ga. Anig hagöm yip haga, “Manö hagabin i kali kliñ rikmön. Manö anibi, manö niñö yabiŋ, nibi bi gau böŋ nöŋ niñ udöl,” a ga.^z ⁶Anig hagöm yip haga, “Nan uri hagajin gau magöŋhalö hadö gipin. Yad hadame dagol gau midmidin, hainö pör nöŋ pör nöŋ mideinabin. Yad nöŋ ginö, nan gau magöŋhalö iŋ göm midöp. Yad nöŋ ginö, nan gau magöŋhalö ur ginig ginab. Nibi bi an ñig nan gainim, kalip hagnö, ñig ilam nibö ñig kamiŋ magö ñeb u ñiñnaböl; rauagnaböl, yihaŋiŋ nöŋ ñiñnaböl.^a ⁷Nibi bi marö auö, gasi iru niñagöm, yip cig göl gi nöŋ mideinaböl gau, kalip nan hagajin i magöŋhalö ñinabin. Yad Nap kale midnö, kale ñi pai yad mideinaböl.^b ⁸Pen nibi bi God nip cig gino, hanip

^t 20:12 Dan 7:9-10; Mad 25:31-46; Ap 17:31; 2Ko 5:10; Rep 13:8 ^u 20:13 Ro 2:6; 1Pi 1:17; Rep 2:23; 22:12 ^v 21:1 Ais 65:17; 2Pi 3:13 ^w 21:2 Ais 52:1; 61:10; Hib 11:16; 12:22; Rep 3:12 ^x 21:3 Lep 26:11,12; Esi 37:27; Sek 2:10; 2Ko 6:16 ^y 21:4 Ais 35:10; 65:19; Rep 7:17 ^z 21:5 2Ko 5:17 ^a 21:6 Ais 55:1; Jer 2:13; Jon 7:37; Rep 1:8,17; 22:17

^b 21:7 2Sa 7:14; Sam 89:26-27

marö aunab a göm piñiñ gipal gau; nibi bi yip niñ udöm arö gipal gau; nibi bi nan naij yabiñ nan gac yabiñ gipal gau; nibi bi wip albal gau; nibi si bi si gipal gau; nibi bi kuj gipal gau; nibi bi god piral nan yiħariñ gau sabe gipal gau; nibi bi manö piral hagpal gau; kale magöñhalö am mideinaböl ñig wañö mab miñañ salpa halö inab u. Nibi bi migan anibu arnaböl u, Kuöyañ Umnaböl, a gipun,” a ga.^c

Jerusalem gisön nibö

⁹Ejol unbö mudun jiñ nöd kinañ kale dauajal gau, ejol aña ap apöm yip haga, “Auö, Sipsip Pi u, nibi nipe udnig gab u, nibi anibu nöp yamnö niñnabön,” a ga. ¹⁰Anig hageia, God Ana u yip ba lö niñöl gi, ejol u yip udöm, dam ram minöñ no ilö kub yabiñ i adö gilañ ap amöm, yip yamö niñnö, Daun Kub Uñ u, Jerusalem u, God kumi kabö adö lañ midöp au nibö auajip.^d ¹¹God Jerusalem gisön nibö u yuö auö niñöl gi niñnö, God nipe mailö aij ke halö mimailö gab rö u, daun anibu u rö nöp mailö aij ke halö mimailö gajip. Daun kñiñ aij anibu kabö aij aij mani iru rauap rö, kabö jaspa mimailö göp rö u, mimailö göm mideia.^e ¹²Kabö waryö milö yabiñ Jerusalem gisön nibö u gigabö göm, adan ramö unbö migan lañ gau mideia. Adan ramö unbö migan lañ gau ajöñ ke ke mideia. Pen ejol unbö migan lañ adan ramö ajöñ anib gau ke ke abad mideila. Adan ramö ajöñ anib gau, naböñ adö lañ Juda it ke ke unbö migan lañ midpal rö, ajöñ unbö migan lañ gau ke ke kali kñiñ rikla.^f ¹³Adan ramö ajöñ anib gau: ain adö miñ mihau nigan; usiñ adö jiñ mihau nigan; goñ lödañ mihau nigan; goñ lödañ mihau nigan. ¹⁴Pen waryö anibu nöd it göm, kabö milö kub unbö migan lañ milöbö li li udöm, hainö waryö gila adö anibu. Kabö milö kub anib gau, Sipsip Pi manö ud arep bi unbö migan lañ gau, hib kale gau kali kñiñ rikla.

¹⁵Ejol yip manö hagajip anibu ilöñ kabö gol udöm gila ap udöl mideia. Ilöñ anibu rö udöm, nan ap ilöñ adip adip löm, nan anibu milö aige gö rö midöp u wö ral niñbal. Pen ejol ilöñ anibu udöm daun kub anibu li niñnig geia; adan ramö ajöñ abe, kabö waryö abe, daun kub magöñhalö li niñnig geia.^g ¹⁶Pen ejol nipe ilöñ anibu udöm, daun nime u ilöñ u ud adip adip löm, daun kub anibu milö aige gö rö midajip u wö ral niñö, yad niñnö, miñ nibö jiñ dwelp dausan sidadia ara; lödañ nibö lödañ dwelp dausan sidadia ara. Pen gilañ gi ke midageia, adip adip anibu nöp dwelp dausan sidadia ara.^h ¹⁷Pen ejol anibu nipe ilöñ anibu udöm, daun kub waryö gigabö ga u, nibi bi ilöñ löm wö ral niñbal rö wö ralöm, minöñ yañ nibö naböñ adö lañ wö ral niñö, yad niñnö, kiubid unbö ñin juöl

^c 21:8 Mad 25:41; Hib 10:38-39; Rep 20:15; 22:15 ^d 21:10 Esi 40:2 ^e 21:11 Ais 60:1-2,19

^f 21:12-13 Esi 48:30-35 ^g 21:15 Esi 40:3; Rep 11:1 ^h 21:16 Grik manö hagöm 12,000 sidadia a ga u, 2,200 kilomida rö.

mudun jiŋ ado gi da mihau mihau (144) ara.ⁱ ¹⁸Waryö anibu, kabö jasper a gipal u udöm gi lö mideia. Daun kub u, kabö gol aij aij glas rö kid yabił göl midöp u nöp udöm gi lö mideia u me, kid yabił göl mideia.^j ¹⁹Kabö milö kub, kabö waryö ił yaŋ mideia gau, kabö aij aij mani kub raupe ke ke iru nöp udöm, kabö milö kub unbö migan laŋ anib gau gi lö mideia. Naböŋ waŋiŋ nibö yaŋ kabö jasper u gi lö mideia; naböŋ yigwö aŋ nibö u kabö mu, sapaia u gi lö mideia; naböŋ yigwö nigaŋ nibö u kabö kamin kamii bö, aged u gi lö mideia; naböŋ yigwö milö u kabö kikamin bö, emral u gi lö mideia; ²⁰naböŋ mamid u kabö ałi abe rud abe uł małi gi midöp, sadoniks u gi lö mideia; naböŋ kagoł jiŋ u kabö ałi, kanilian u gi lö mideia; naböŋ mudun u kabö uhałin, krisolaid u gi lö mideia; naböŋ raleb u kabö kikamin bö, beril u gi lö mideia; naböŋ ajip u kabö uhałin ke yabił, dopas u gi lö mideia; naböŋ siduŋ laŋ u kabö kikamin bö abe uhałin abe uł małi gi midöp, krisopres u gi lö mideia; naböŋ agip laŋ u kabö ałi, haiaŋin u gi lö mideia; naböŋ migan laŋ u kabö mu, amedis u gi lö mideia. ²¹Adan ramö ajöŋ unbö migan laŋ gau, magö kałum kibap mipe rö rud gab, pöl a gipal kub ke yabił unbö migan laŋ udöm gi lö mideia. Daun kub anibu, lor gau kabö gol aij aij glas rö kid göl midöp u nöp udöm gi lö mideia u me, kid yabił göm mideia. ²²Pen daun kub anibu yad God sabe gep ram ap niŋagnö. God Bi Kub, Bi kłö ke yabił u abe, Sipsip Pi u abe midpil rö, God sabe gep ram ap midagöp; kale apil mihau God sabe gep ram midpil. ²³Pen God mailö aij ke yabił nipe mimailö göm, Sipsip Pi łam mailö gab rö u mimailö göm gipil rö, daun anib au sidö rakii wög ap midagöp.^k ²⁴Nibi bi ram minöŋ ke ke gau nibö apöm daun anibu am mideinaböl gau, mailö aij anibu niŋöl gi ajeinaböl. Kiŋ minöŋ naböŋ ił i ke ke gau nibö daun anibu am mideinaböl gau, nan nihön nihön aij, nan nihön nihön mailö halö ram kale gila gau, halö dam daun kub raul migan anibu am mideinaböl.^l ²⁵Pen daun anibu, ajöŋ gau giŋagnaböl; sibön auagnab niŋöm ajöŋ pör pör hiiköl nöp mideinab.^m ²⁶Nibi bi ram minöŋ ke ke gau nibö apöm daun anibu am mideinaböl gau, nan nihön nihön aij, nan nihön nihön mailö halö ram kale gila gau, halö dam daun kub raul migan anibu am mideinaböl. ²⁷God nip asi masi göp nan u, daun raul migan anibu aröl rö lagnab. Nibi bi god piral sabe göm gi naij yabił gipal gau, daun raul migan anibu aröl rö lagnab. Nibi bi pör pör nöp kamin mideinaböl köp anibu yaŋ, Sipsip Pi hib kale kalii kłiŋ riknab gau nöp, daun raul migan anibu arnaböl.ⁿ

ⁱ 21:17 Grik manö hagöm kiubid unbö ñin juöl mudun jiŋ ado gi da mihau mihau (144) a ga u, mida unbö ñin juöl mihau nigaŋ ado gi da mamid u (65) rö. ^j 21:18-21 Ais 54:11-12

^k 21:23 Ais 60:19-20; Rep 22:5 ^l 21:24 Ais 60:3,5 ^m 21:25 Ais 60:11 ⁿ 21:27 Ais 52:1; Esi 44:9; 1Ko 6:9-10

Ñig Kamiñ Magö Ñeb u

22 ¹Ejol anibu, ñig kamiñ magö ñeb u yip yamö niñnō. Ñig auajip anibu, glas mimailō göp rō mimailō gi auajip. Ñig anibu, God aip, Sipsip Pi u aip, sea kiñ kale apil mihau asikpil au gilañ nibō ilam juöm,^o ²daun kub lor añ au amöm ara. Ñig goł böñ böñ mab ñiñmōm pör pör mideinaböl mab u rana. Mab ur anibu, mi aña aña rakin ke ke migan lañ u nöp, pör nöp magö pilöp. Pen mab uñañ anibu, nibi bi ram minöñ ke ke gau nibō kalip gö kamiñ linim rō nöp midöp.^p

³Daun kub anibu, God nip asi masi göp nan u midagöp. God aip, Sipsip Pi u aip, sea kiñ kale u daun kub añ au mideinab. God nibi bi nipe gau, nip wög gi ñöl gi mideinaböl. ⁴Daun kub anibu, God nibi bi nipe gau Sipsip Pi mulu adiñ nipe u niñnaböl. Sipsip Pi hib nipe u nable kale lañ kali kliš rik lilō mideinab.^q ⁵Sibön auagnab. God Bi Kub u mailō kale u mideinab u me, hapō mlañ abe, sidō abe wög ap midageinab. Kale pör nöp pör nöp kiñ rō mideinaböl.^r

Söl midöp Jisas aunab

⁶Pen ejol anibu yip haga, “Manö hagabin anibi manö piral wasö; manö niñjō yabił. God Bi Kub, Ana nipe bi manö hagep nipe gau kalip gasi ñö manö nipe hagemidal God anibu nöp, yip yuö apem, söl midöp ginab manö u hag ñabin,” a ga.^s

⁷Jisas manö hagöm hagab, “Niñim! Söl midöp ninabin. Nan nihön nihön hainö ginig gab u, buk anibi midöp. Nibi bi an manö anibi niñ udöm, hagöp rō ginaböl gau, aij gö niñöl gi miñ miñ ginaböl,” a göp.^t

⁸Yad Jon, ejol manö hagajip u abe, nan nihön nihön gajip u abe magöñhalö niñnō. Pen ejol manö hagajip u abe, nan nihön nihön gajip u abe magöñhalö niñ pis gem, ap lug ejol anibu ma ił nipe au kugom yimem, nip sabe ginam, a ginö u pen^u ⁹yip haga, “Wasö! Yip anig gagmön; God nip nöp sabe gimön. Ne God nip wög gi midpan u, namam God manö hagep bi gau abe, nibi bi manö midöp buk añ anibi hagöp rō gipal gau abe, kale God nip wög gipim rō, yad u rō nöp God nip wög gipin,” a ga.

¹⁰Pen ejol anibu yip haga, “Hainö ginab manö kali kliš rikpan yagol u, ud mamoc gimön gau pi gi lagmön; söl midöp, manö kali kliš rikpan rō magöñhalö ginab. ¹¹Anib u niñmōm, nibi bi gi naij gipal gau, kale u rō nöp nagi naij adö u nöp göl gi midaiöl; nibi si bi si gipal gau, kale adö anibu nöp göl gi midaiöl; nibi bi gi aij gipal gau, kale adö aij anibu nöp

^o 22:1 Esi 47:1 ^p 22:2 Jen 2:9; Esi 47:12; Joe 3:18; Sek 14:8 ^q 22:4 Mad 5:8;

Rep 3:12 ^r 22:5 Dan 7:18,27; Rep 5:10; 20:6; 21:23,25 ^s 22:6 Rep 1:1 ^t 22:7 Rep 1:3

^u 22:8 Rep 19:10

göl gi midaiöl; nibi bi ut midpal gau, kale unbö rö nöp ut midaiöl,” a ga.^v ¹²Jisas manö hagöm hagab, “Niñim! Söl midöp ninabin. Ñin anibu, kale nibi bi yad gau nihön nihön gipim u niñem, pen u rö nöp nan aij ñinabin.”^w ¹³Yad hadame dagol gau midmidin, hainö pör nöp pör nöp mideinabin. Yad nöp ginö, nan gau magöñhalö il göm midöp. Yad nöp ginö, nan gau magöñhalö ur ginig ginab. If u yad nöp, piñ u yad nöp midpin.^x

¹⁴“Nibi bi wahij kale ñig li aij ginaböl gau, miñ miñ ginaböl. Mab magö ñiñ pör pör mideinaböl u ñinö, kale ñiñöm am daun kub raul migan anibu arnaböl.”^y ¹⁵Pen kain hapeb gau, daun anibu aröl rö lagöp. Nibi bi kuj gipal gau, nibi si bi si gipal gau, wip albal gau, nan yiħariñ gau god hon a göm sabe gipal gau, manö piral hagpal gau, kale höñ yañ nöp mideinaböl.

¹⁶“Yad Jisas, ejol yad u hag yunö, amöm kalöp nibi bi yad cöc ram minöñ ke ke gau midpim gau, kalöp manö yad anibi hag ñöb. Yad me, Depid rikö, riklö rik dam dapil gilö, Bi Kub mideinab a gila u nöp yad midpin. Yad me, gapı paglin kub ram runig gö niñöl gi, ap rannab, a gipal u nöp yad midpin,” a ga.^z

¹⁷God Ana u abe, Bi nibi udnab nibi anibu abe, “Aue!” a gipil.

Nibi bi manö anib i niñeinaböl gau u rö nöp, “Aue!” a göl.

Kale nibi bi ñig nan göp gau magöñhalö aum! Aumim, ñig kamiñ magö ñeb u yiħariñ ud ñiñim.^a

¹⁸Nibi bi manö buk anibi midöp amgö li niñöm haglö, kale niñmim gau, nan nihön nihön hainö ginim manö u niñ aij gimim. Nibi bi rimnap manö anib i niñöm, manö rimnap halö ut mañi geinaböl u, God kalip pen ilön ñöm gö, marö kub buk anibi hagöp rö halö udnaböl.^b ¹⁹Pen nibi bi manö anib i, naböñ rimnap udagun a göm arö geinaböl u, God kalip pen mab magö ñiñ pör pör mideinaböl hagöp u wasö gö ñiñagnaböl; Daun Kub Uł am mideinaböl hagöp u abe wasö gö aragnaböl.

²⁰Bi manö kali kñiñ rikpin anibi hagöp Bi u hagöm hagöp, “Yau! Söl midöp ninabin,” a göp.

Anib unbö rö aij! Bi Kub Jisas, ne aumön!

^c ²¹Bi Kub hon Jisas kalöp God nibi bi nipe mög gö abad mid aij göl gi midainim. Anib unbö rö aij.

^v 22:11 Dan 12:10 ^w 22:12 Ais 40:10; Jer 17:10; Rep 2:23 ^x 22:13 Ais 44:6; Rep 1:8,17; 21:6 ^y 22:14 Jen 2:9; 3:22 ^z 22:16 Nab 24:17; Ais 11:1,10; Ro 1:3; Rep 2:28; 5:5

^a 22:17 Ais 55:1; Rep 21:6 ^b 22:18-19 Dud 4:2; 12:32 ^c 22:20 Rep 2:16